

永樂大典

永樂大典

永樂大典

永樂大典

Государственный
архив Ленинградского
областного ССР
им. В. И. Ленина
И-30007-51

38 ²⁻³/₅

Том - 895-896

1

永大

峯碧若人端好修。珍駕動無迹。深窮伊水源。峻陟衡山極。終焉憩孔林。所樂惟自得。延和數酌醪。侑靜一編易。向來辱傾輸。洞見胃中白。思親道匪侔。既遠情不懌。矧余質冥頑。固未易刻畫。尊生有遐心。克已無全力。以茲畏所知。負負常夕陽。餘波儻時漸。王汝天其或。偶書 風急胡塵暗九

九岸中長嘯一登樓。故園卻憶桐孫在。薄宦端為荔子留。湖海以南兵尚關。犬戎不死禍難休。似門推轂皆飛將。盍有清談謝傳流。讀韓子蒼呂

舍人近詩。詩人零落嘆才難。二妙風流壓建安。已見詞鋒推晉楚。定應臭味等芝蘭。鴻軒意氣慚交呂。鳳躍聲華敢望韓。咫尺烟塵不相見。它時

惆悵隔金鑿。陸放謂南集讀王摩詰詩愛其散髮晚未簪道書行尚把之句。因用為韻賦古風十首亦皆物外事也。我生本江湖。歲月不可算。採藥

遊名山。所歷頗蕭散。一逢巢居翁。見謂於我館。酌泉啖松栢。每得造膝疑。行道不自力。殘髮日已短。海上故不遠。謫限何時滿。仕宦五十年。所至

不黔突。取魚固拾熊。挾兔那恨鷗。退歸息耿耿。誰敢書咄咄。屋穿每茨草。驢瘦可數骨。秋風忽已厲。落葉觀殘月。脫巾坐中庭。清冷入毛髮。我愛

古竹枝。每歌必三反。孤舟上荆巫。天末未覺遠。最奇扇子峽。恨不遂高遠。採蜀故宮煙。水楚廢苑。至今清夜夢。百丈困牽挽。人生如寄爾。勿歎流

永大

三晚。往歲著朝衫。晨起事如曩。告歸卧孤村。枯淡有餘味。閉門絕外慕。

自謂真富貴。蕭然畢吾生。地下一增氣。里翁戀兒女。小疾輒憂畏。惟窮可

賒死。我在君亦未。萬金築華堂。千金教新音。不知憂患腸。著脚日愈深。

今人喜議古。後亦將議今。使汝有子孫。聞之亦何心。鄧通擅銅山。死日無

一簣。未死汝勿喜。吾溪多毒淫。往者遊青城。猶及二三老。稽首出世師。

數語窮至道。妻子真弊屣。棄去恨不早。俯仰能幾時。殘骸日衰槁。吾兒有

竒骨。亦復至幽討。金丹儻可成。白髮何足掃。稚川師鄭君。纔及一卷書。

書大僅如著。度世蓋有餘。想其所論說。妙極軒昊初。內篇今雖存。亦復飽

蠹魚。我欲探其原。蹇步空赳赳。安得挿兩翅。從公遊太虛。隱書有三景。

字字當力行。寸地與尺宅。可以久汝生。汴流歸崑虛。堅守臨長城。一旦告

成功。河塞黃金城。笙鶴適維山。貂蟬朝玉京。即今脩行地。千古名還嬰。子

道室以還嬰名之。行年過八十。形悴神則旺。往來江湖間。垂老猶踈放。滄

波浩無津。天遣遂微尚。剡溪掛風帆。漁浦理煙榜。竒雲出深谷。新月生疊

嶂。興懷晉諸賢。誰能續遺唱。二十遊名場。最號才智下。蹭蹬六十年。亦

大有第一把。典衣租黃犢。乘雨耕綠野。西成得一飽。敢計泥沒踝。住久鄰好

深。百事通乞假。秋高小瓮香。相喚注老瓦。絕句。情游不能耕。心媿新

春白獻傲茅三間。主人終勝客。朝士腰下黃。山僧鼻端白。放翁俱笑汝。

飽飯作閑客。温温地爐紅。皎皎紙牕白。忽聞啄木聲。疑是敲門客。雪

晴蓼甲紅。雨足韭頭白。雖無萬錢具。野飯可留客。小兒勿大勤。使汝髮

早白。長爲南畝民。殊勝東閣客。四日夜雞未鳴起作。放翁病過秋。忽

起作醉墨。正如久蟄龍。青天飛霹靂。雖云墮怪竒。要勝常悶默。一朝此翁

死。千金求不得。讀蘇叔黨汝州北山雜詩次其韻十首。暑耘日炙背。

寒耕泥沒脚。衆人占膏腴。我獨治硤确。力盡功未見。厥土但如昨。豈惟窘

糠粃。直恐轉溝壑。今年雨暘時。天如相耕獲。屋傾未暇扶。且復補籬落。

舊絮補破襦。生薪續微火。惇孤有凍死。自視亦已過。鄰翁冒風雪。斗酒持

飲我。尖圓擘霜蟹。丹漆釘山果。欣然共笑語。何止寬寒餓。布被擁更闌。招

魂不須此。三山鏡湖上。出郭無十里。結廬非所擇。但取便薪水。間亦出

從宦。安能慕園綺。地主卜林塘。亦復異子美。蘧蔭方丈室。僅足容卧起。吾

意本扁舟。陸居聊爾耳。祠官粟一囊。不瞻軀七赤。前年蒙寬恩。例許乞

骸骨。聯翩三兒子。俱作鶴雀碧。賦祿雖上遠。亦足慰衰白。幅巾茆簷下。稱

永大

病謝來客。從今門前路。永掃車馬迹。舍北有漁磯。下臨清溪流。柳陰出

朱橋。蓮浦橫蘭舟。尊綠二三畝。米掇供晨羞。魚蝦雖瑣細。亦足贍吾州。人

生常如此安用萬戶侯。綠蓑幸可買金印非所求。寓形百年中如臂屈
伸頃少壯幾何時已復墮衰境。老人喜自潔臨澗漱綠淨佛龕香事已僧
鉢供萹麩山茶試芳嫩野果薦甘冷不學萬錢厨長漁取淮穎。巖石著
幼輿風月思玄度老子放浪心常恐迫遲暮安得世人握手相與語吾
宗甫里公竒辭賦漁具高風邈不嗣徒有吟諷苦霜風吹短衣何山不堪
住。久病卧江村髮白面黧黑艱難念温飽日夜積涓滴聚壤糞園桑荷
鋤耘隴麥苟失一日勤農事深可惜小兒念乃翁卒歲共欣戚跂望明年
春社雨泥一赤德孫秀眉宇慨然脩初服枯腸貯詩書十飯九不肉成童
將覓舉想見袍立鵠先澤倘未衰豈無五秉粟汝能記吾言併以告阿福
閉門勿雜交一經萬事足吾幼從父師所患經不明何嘗効侯喜欲負
能詩聲亦豈劉墮州五字矜長城秋雨短檠夜掉頭費經營區區宇宙間
捨重取所輕此身儻未死仁義尚力行讀杜詩偶成一念寧容事物
侵天魔元自是知音拾遺大欠脩行力小吏相輕尚動心千載詩亡不
復刪少陵談笑即追還常憎晚輩言詩史清廟生民伯仲間城南杜五
少不羈意輕造物呼作兒一門酣法到孫子熟視嚴武名挺之看渠冒次
隘宇宙惜哉千萬不一施空回英槩入筆墨生民清廟非唐詩向今天開

永
大典

太宗業馬周遇舍非公誰後世但作詩人看使我撫几空嗟咨讀李杜

詩 濯錦滄浪客青蓮澹蕩人才名塞天地身世老風塵士固難推挽人

誰不賤貧明窻數編存長興物革新讀樂天詩 放姬鬻駱初何有常

笑香山恨不攄輸與此翁容易死一身之外更無餘讀許渾詩 裴相

功名冠四朝許渾身世落漁樵若論風月江山主丁卯橋應勝午橋讀

王季夷舊所寄詩 燈前忽見李夷詩淚灑行間不自知醉別西津如昨

日露晞漚滅已多時予在京口與季夷別遂不復相見 讀林逋魏野二

處士詩 君復仲先真隱淪筆端亦自幹千鈞閑中一句終難道何況市

朝名利人 讀宛陵先生詩 李杜不復作梅公真壯哉豈惟凡骨換要

是頂門開鍛鍊無遺力淵源有自來平生解牛手餘刃獨恢恢 歐尹追

還六籍醇先生詩律擅雄渾導河積石源流正維嶽崧高氣象尊玉磬鏐

鏐非俗好霜松鬱鬱有春溫向來不道無評譏敢保諸人未及門 讀陳

秀才詩 程子晚相得居然一坐傾心詩欲飛動病眼為開明英妙非凡

質衰遲畏後生吾徒可相賀吾字有長成 夜讀鞏仲至閩中詩有懷其

人 詩思尋常有偏於客路新能追無盡景始見不凡人細讀公奇作都

大永

忘我病身蘭亭盡名士逸少獨清真 讀幽詩 我讀幽風七月篇聖賢

事事在陳篇。豈惟王業方興日。要是淳風未散前。屈宋遺音今尚絕。咸韶古奏更誰傳。吾曹所學非章句。白髮青燈一泫然。讀後漢詩二首。賃

春老子吾所慕。垂世文章寧在多。詩不刪來二千載。世間惟有五憶歌。

李英行年七十八。猶灌園蔬授六經。我欲圖之置齋壁。世無顧陸善丹青。

讀唐人愁詩戲作五絕句。少時喚愁作底物。老境方知世有愁。忘盡

世間愁。故在和身忘却始應休。清愁自是詩中料。向使無愁可得詩。不

屬僧牕孤宿夜。即還山驛旅遊時。天恐文人未盡才。常教零落在蒿萊。

不爲千載離騷計。屈子何由澤畔來。我輩情鍾不自由。等閑白却九分

頭。此懷豈獨騷人事。三百篇中半是愁。飛雪安能住酒中。閑愁見酒亦

消融。山家有力參天地。不放清樽一日空。讀近人詩。琢瑯自是文章

病。竒險尤傷氣骨多。君看大羹元酒味。蠚螫蛤柱豈同科。雜題絕句六

首。少談王霸謀身拙。晚好詩騷學道疎。還有一籌差自慰。閉門不作公

子書。莫笑花前白髮新。宣和人醉慶元春。何時道路平如砥。却就清伊

整幅巾。三生元是出家人。一念差來墮薦紳。二寸楮冠雙草履。天公還

我水雲身。黃庭兩卷伴身閑。盤篆香殘日未殘。泛泛孤身似萍葉。始知

天地不勝寬。年華偃蹇留不住。鬢雪縱橫耘更多。樂天不生夢得死。恨

永樂

大

無人續竹枝歌。年來世念掃除盡。猶有閑吟頗自奇。安得陟釐九萬箇。

爲君盡寫暮春詩。雜題。松肪釀酒石根醉。榭葉作衣雲外行。指點人

間獨長歎。秋風又到洛陽城。山家貧甚亦支撐。時撫桐孫一再行。朝甌

米空烹芋粥。夜缸油盡點松明。羊裘老人只念歸。安用星辰動紫微。洛

陽城中市兒眼。情知不識釣魚磯。黍醕新壓野雞肥。茅店酣歌送落暉。

人道山僧最無事。憐渠猶趁暮鍾歸。釣魚吹笛本閑身。正坐微官白髮

新。著屐此生猶幾兩。可令復踏九衢塵。山光染黛朝如涇。川氣鎔銀暮

不收。詩料滿前誰領略。時時來倚水邊樓。雜詩絕句。世味漸闌如嚼

蠟。惟詩直恐死方休。四時風月元無盡。萬里江山更擬遊。一身頂踵無

非病。兩飯齏鹽亦闕供。正可清言學夷甫。不須豪氣似元龍。枳籬莎徑

入荆扉。中有村翁百結衣。誰識新年歡喜事。一鷄一犬伴東歸。鷄犬皆

實事。身似匡廬老病僧。閉門一衲坐騰騰。雨聲驚覺長安夢。惆悵西窓夜

半燈。戲題。莫輕凡骨未飛騰。要勝人間粥飯僧。山路近行猶百里。酒

杯一舉必三升。戲書觸目。狸奴閑占熏籠卧。燕子橫穿翠徑飛。我亦

人間好事者。憑欄小立試單衣。古風。犧象薦清廟。餘才棄溝中。二者

雖甚遠。殘生其實同。人當貴其身。豈復論窮通。寧爲原上草。一寸搖春風。

永

大

木生雖拱把鮮不困斧斤。枯朽或可全。又以鄉故焚嘉禾終銜艾豈獨
草見耘。此理講已熟。要當尊所聞。擬古牛跡可使圜。羊角可使直。惟

使剛者柔造物不可得。世方貴輒熟。剛實不可為。為剛死道傍。已矣何所

悲。君看一釣絲。能得幾日絡。君思幾州鐵。打此一大錯。目前豈不快。後

悔將柰何。我非通神明。比汝更事夕。寧忍十日飢。野葛不可烹。寧枉百

里途。捷徑不可行。自古風俗壞。善士亦淪胥。摘抽禹包貢。後世稱木奴。

坐卧北窻下。百事廢不治。脫粟與大布。衣食裁自支。温飽豈不欲。遵道予

心悲。地不見先人。所冀向有辭。古意千金募。戰士萬里築長城。何

時青塚月。却照漢家營。夜泊武昌城。江流千丈清。寧為鴈奴遠。不作鶴

謀生。戲作絕句以唐人句終之。雨細穿梅塢。風和上柳橋。山居無曆

日。今日是何朝。回頭問童子。今夕是何年。靜對煎茶竈。閑疏洗藥泉。

客從城中來。客從城中來。相視慘不悅。引杯撫長劍。慨歎故未滅。我亦

為悲憤。共論到明發。向來酣鬪時。人情願少歇。及今數十秋。復謂須歲月

諸將爾何心。安坐望旄節。謝徐志父帳幹惠詩編。平生聞若人。筆墨

極奇峭。相望二千里。安得接談笑。一朝獲其詩。驚喜踰素料。夜窻取吟諷

寒灯耿相照。春容清廟歌。縹緲蘇門嘯。蹴天浙江濤。照野楚山燒。每篇十

永樂

過讀玩味頭屢掉。正如啜名酒。雖愛不忍齎。看君亦華髮。氣壓萬年少。子昔從茶山。辱賞三語妙。文章老不進。憔悴今可弔。誰知牛車鐸。黃鍾乃同調。願君時來過。勿恤俗子誚。謝王子林判院惠詩編。文章有定價。議論有至公。我不如誠齋。此評天下同。王子江西秀。詩有誠齋風。今年入脩門。軒軒若飛鴻。人言誠齋詩。浩然與俱東。字字若長城。梯衝何由攻。我望已畏之。謹避不欲逢。一日來叩門。錦囊出幾空。我欲與馳逐。未交力已窮。太息謂王子。諸人無此功。騎驢上灞橋。買酒醉新豐。知子定有人。詎必老鈍翁。觀渡江諸人詩。中朝文有漢唐風。南渡詩人尚數公。正使詞源有深淺。病懷羈思亦相同。雜詩 半年不讀書。顧影疑非我。乃知百年中。如此過亦可。書能作汝崇。識字果非福。明年倘未死。樂哉駕黃犢。伐性無蛾眉。腐腸無旨酒。齋居亦得疾。果無第一手。才不如嵇康。踈懶則過之。雖有絕交書。不作幽憤詩。偶觀舊詩書。歎吾道運無積。何至墮畦吟。鹽雞舞瓮天。乃復自拘窘。外物豈移人。子顧不少恐。鶴井與狐妖。正可付一哂。繁華夢境鬧。零亂空花賈。可憐愁書生。尚學居易積。我昔亦未免。吟哦啄肝腎。落筆過白雨。聚橐森束筍。幸能悟差早。念念常自憫。安得從碩儒。稽首謝不敏。四月二十八日作。四月欲盡五月初。九十未及八

永
大典

十餘開口何曾談世事。收身且復愛吾廬。行遍人間病不禁。鬢毛飽受
雪霜侵。茅簷一夜蕭蕭雨。洗盡平生幻妄心。出遊歸卧得雜詩。江天

缺月西南落。村路寒鷄一再鳴。自笑此身羈旅慣。野橋孤店每關情。江
村何處小茅茨。紅杏青蒲雨過時。半幅生絹大年盡。一聯新句少遊詩。

眼明未了觀山債。力在猶能涉水行。莫笑軒然誇老健。身存終勝得浮名。
壯歲經春在醉鄉。老來數酌不禁當。正須獨倚蒲團坐。領略明窓半篆香。

兒扶行飯出柴扉。偃僕方嗟氣力微。道側偶逢耘交叟。倚鋤閑話兩忘
歸。久讀僊經學養形。未容便應少微星。一枝新鍛金鴉觜。更向名山斷

茯苓。薺花如雪滿中庭。乍出芭蕉一寸青。老子掩關常謝客。短策鋤菜
伴園丁。晚交數子多才傑。誰肯頻來寂寞鄉。但寄好詩三四幅。絕勝共

笑億千場。醉吟絕句少日沉迷汗簡青。如今毀譽兩冥冥。書生弄筆
如何信。只合花前醉不醒。驅使難憑赤丁子。傳呼底用蒼頭兒。世間如

夢身如寄。春去花空欲沉誰。牽經司禮人誰聽。是古非今世共憎。何似
對花傾綠酒。自歌一曲醉騰騰。山遮水隔重重嶠。雨練風柔處處花。一

病半年能不死。又將此恨醉天涯。雜賦絕句。地爐夜爇麻蕪煖。瓦甬
晨烹豆粥香。不是有心輕富貴。從來吾亦愛吾鄉。病起胃中一物無。夢

永
大

遊信脚到華胥。覺來忽見天窓白。短髮蕭蕭起自梳。終日纔堪米一升。
生涯畧似草菴僧。溼薪不管晨炊晚。留得松肪代夜燈。出門信步作閑

遊。野廟村坊到處留。每伴樵夫嘗半舍。更隨牧豎采沿溝。

半舍沿溝皆野

果名。體不佳時看周易。酒痛飲後讀離騷。騎驢太華三峯雪。鼓掉錢塘八

月濤。昔人莽莽荒丘裏。陳迹紛紛朽簡中。畢竟是非誰辨得。舉杯吾欲

問虛空。百億須彌理固有。八九雲夢何足吞。天下廣居君識否。一間茅屋

寄孤村。夢裏曾作南柯守。少時元是東陵侯。今朝半醉歸草市。指點青

帘上酒樓。七十八十古來稀。行年九十固應衰。已興工部耳聾歎。更和

文公齒落詩。中年畏病杯行淺。晚歲脩真食禁多。謝客杜門殊省事。一

盃香飯養天和。齊民讓畔不爭桑。和氣橫流歲自穰。君看三山百家聚

更無一籠有遺蝗。今年蝗孽獨三山過而不下遂不為災。得雨郊原已遍

耕。東家西舍多逢迎。前山雲起樹無影。別浦潮生船有聲。一身只付雞

栖上。萬卷真藏椰子中。嘉定三年正月後。不知更醉幾春風。謝張廷老

司理錄示山居詩。顛顛經年客瘴鄉。把君詩卷意差強。古人三語猶嗟

賞。况是珠璣滿錦囊。老覺人間萬事非。但思茅屋映疎籬。秋衾已是鏡

歸。更讀山居二十詩。夢海山壁間詩不能盡記。以其意追補。碧海

永大

無風鏡面平。潮來忽作雪山傾。金橋化出三千丈。閑把松枝引鶴行。海上乘雲滿袖風。醉捫星斗躡虛空。要知壯觀非塵世。半夜鯨波浴日紅。

一劍能清萬里塵。詭波深處偶全身。那知九轉丹成後。却挿金貂侍帝宸。春殘枕藉落花眠。正是周家定鼎年。睡起不知秦漢事。一樽閑醉華陽川。

曾仲躬見過適遇予出。留小詩云次韻。地僻元無俗客來。蓬門只欲爲君開。山橫翠黛供詩本。麥卷黃雲足酒材。數樹山花草舍東。想公

繫馬落殘紅。那知老子耶溪上。正泛朝南暮北風。雜題絕句。賀公在

朝雅吳語。莊馬仕楚猶越吟。我幸歸休在閭巷。燈前感槩不須深。茅屋

三間已太奢。乾柴白米喜無涯。非賢敢竊優賢祿。願拚尊絲與蕨芽。半俸

自春初不復敢請野花紅碧自爭春。村酒酸甜也醉人。解放舡頭便千里。

不愁無處著閑身。湖堤踈瘦水楊柳。村舍殷紅山石榴。推戶本來隨意

入。乞將因得片時留。癸丑正月二日絕句。朱顏不老畫中人。綠酒追

歡夢裏身。堪笑三山衰病叟。閉門寂寂過新春。菊叢抽綠滿枯荻。繞舍

梅花已遍開。須信今春春事早。江鄉開歲有奔雷。太息太息貧家似

破船。不容一夕得安眠。春憂水潦秋防旱。左右枝梧且過年。禱廟祈神

望歲穰。今年中熟更堪傷。百錢斗米無人要。貫朽何時發積藏。北陌東

永
大

阡有故墟。辛勤見汝昔營居。豪吞暗蝕皆逃去。闕戶無人草滿廬。無題

碧玉當年未破瓜。學成歌舞入侯家。如今顛顛蓬窻裏。飛上青天妬落

花。半醉凌風過月旁。水精宮殿桂花香。素娥定赴瑤池宴。侍女皆騎白

鳳凰。出繭脩眉淡薄粧。丁東環珮立西廂。人間浪作新秋感。銀闕瓊樓

夜夜涼。數日不作詩。吾詩鬱不發。孤寂柰愁何。偶爾得一語。快如踈

九河。黃流舞浩蕩。白雨助滂沱。門外無來客。花前自浩歌。得趙昌府寄

予及子適詩。去國雙蓬鬢。還山一麻車。壯慙稽古淺。老悔養生踈。俗態

慵開眼。高吟獨起予。青燈對徐子。併為問何如。閑詠身似地行僂。心

非欲界天。輿竿聲軋軋。中角影翩翩。買菊穿苔種。懷茶就井煎。歸來書送

坐。隨處一欣然。久入春農社。新腰老袖包。帝裁微放矮。硯斷正須顛。髯

薄能為崇。方兄任絕交。吾詩無好句。聊復當談朝。病中雜詩。久病身

猶困。閑遊性已成。未停湯熨事。即理水雲程。投宿忘街陌。論交失姓名。最

憐花塢好。恐是牡丹坪。自我居湖曲。漁樵日往來。只知年屢改。不覺老

相催。小浦潮痕長。長堤草色回。逢春心事在。莫道已成灰。天遠不可問。

將如此老何。老驚詩思退。貧欠藥錢多。剡縣尋僧宿。桐江買酒歌。市橋新

柳色。又是一年過。七月二十四日作。閑拂青銅一惘然。此生應老海

永
大

雲邊涼颺入袂詩初就。幽鳥呼人夢不全。天上鵲歸星渚冷。月中桂長露華鮮。射胡羽箭凋零盡。坐負心期四十年。先少師宣和初。有贈晁公以

道詩云。奴愛才如蕭穎士。婢知詩似鄭康成。晁公大愛賞。今送全篇偶讀。晁公文集泣而足之。仕不逢時勇退耕。閉門自號景迂生。遠聞佳士輒

心許。老見異書猶眼明。奴愛才如蕭穎士。婢知詩似鄭康成。早孤遇事偏多感。欲續殘章涕已傾。無題。畫閣無人晝漏稀。離悰病思兩依依。釵

梁雙鷺春光到。笋柱羈鴻暖不歸。迎得紫姑占近信。裁成白紵寄征衣。晚來更就隣姬問。夢到遼陽果是非。珠鞞玉指擘箜篌。誰記山南東燭遊。

結綺詩成江令醉。橐泉夢斷沈郎愁。天涯落日孤鴻沒。鏡裏流年兩鬢秋。不用更求驅豆術。人生離合判悠悠。輶輪羶車赴密期。追歡最數牡丹

時。新春欲近猶貪喜。舊愛潛移不自知。寶鏡塵生鸞悵望。鈿箏絃絕鴈參差。玉壺莫貯胭脂淚。從濕泥金帶上詩。金鞭未彈憶春遊。萬里橋東菴

畫樓。夢情曉風吹不去。書憑春鴈寄無由。鏡中顏鬢今如此。幙下朋儔好在。不篋有吳牋。三萬箇。擬將細字寫新愁。筭中偶得去年二月都下數

大永

詩有作。

昨佩魚符出鳳城。春風處處聽鶯聲。欲尋舊友半爲鬼。重到西湖疑隔生。浮世正如投六簿。野人何意慕三旌。嚴州戍滿真當老。猶幸爲

民死太平。蜀僧宗傑來乞詩三日不去。作長句送之。看遍東南數十州。

寄船却泝蜀江秋。孤雲兩角山之恙。斗米三錢路不憂。今年所在皆大稔。

萬里得詩長揖去。它羊挈笠再來不。放翁爛醉尋常事。莫笑黃花插滿頭。

舊識姜邦傑於亡友韓元咎。許近屢寄詩來。且以元咎平日倡和見示。

讀之悵然。作此詩附卷末。故人王骨已生苔。邂逅逢君亦樂哉。湖寺繫

舟無夢去。京塵馳騎有詩來。醉中不敢教兒誦。看處常須盥手開。父矣世

間無健筆。相期力斡萬鈞回。檢舊詩偶見在蜀日。江瀆池醉歸之篇。悵

然有感。江瀆池頭爛醉歸。青旗日晚挿城扉。正馳玉勒衝紅雨。又挾金

丸伺翠衣。老境漸侵歡意盡。舊遊欲說故人稀。憑高三歎君知否。倦鷁無

風亦退飛。呂氏子蕞郎求詩。乃祖身兼將相崇。諸孫玉立有家風。此

郎已復塵埃外。他日相期氣類中。行已勤勤須自省。讀書疊疊要新功。果

能哮吼如獅子。一瓣香應嗣放翁。六言絕句。滿帽秋風入剡。半帆寒

日遊吳。問子行裝何在。帶問笑指葫蘆。不慕生為柱國。何須死向揚州。

但願此身無病。天台剡縣閑遊。愛馬能成一癖。結髦可忘百憂。我亦時

時自笑。開編萬事俱休。遇舍生封萬戶。阮窮不直一錢。此是由來事爾。

正須到處欣然。豪士以妾換馬。耕農賣劔買牛。我看浮名似夢。却貪山

大永

水閑遊。風細飛花相逐。林深啼鳥移時。客至旋開新茗。僧歸未拾殘棋。覓飽如籌大事。擁書似墮重圍。誤喜敲門客至。出看啄木驚飛。香煙

觸簾不散。燈焰無風自搖。獨倚蒲團寂寂。忽聞山雨蕭蕭。歐陽徹飄然集和韻。戲索建中和詩。功名未許冠凌煙。琢句投囊學閨倦。韞玉要今神

物護。探珠豈待老龍眠。賓王頗欠新詩債。子美回償舊酒錢。自古逸才多。滌器。醉來宜灑奪袍篇。世猶讀白樂天放言詩。放其体依前韻作數首

見寄。因和荅之。亦放樂天之体。如黃巧語何須聽。似海侯門豈足遊。太華崇高無棄土。滄浪合并納纖流。未要季子榮親印。已買陶朱佚老舟。藏

器待時須大用。耻爭蝸角與蠅頭。駟馬華軒終得志。簞瓢梓茹且潛身。隋珠莫彈排空雀。和壁休投按劍人。畫史解衣須遇鑑。齊門鼓瑟信難親。

索瘢洗垢從教謗。深雪襟懷與道鄰。搏鵬休笑蓬蒿適。燕雀豈知鴻鵠遊。顏跖賢愚終異域。渭涇清濁自殊流。綆長方可探深井。水淺安能泛大

舟。獨愛樂天吟著句。輸贏終待局終頭。言行樞機宜慎發。利名韁鎖苦縈身。無非入市攫金客。誰似臨畦抱壘人。鴻鴈弟兄猶列序。虎狼父子尚

大永

相親。刀錐不用爭蝸角。請學當時闕黨鄰。古詩寄游良臣。兼簡陳國鎮。齏鹽興淺知無策。謝絕歸來事清白。亂絲心緒尚紛如。時對風簷獨捫

虱會須稽古補前愆。赤水遺珠不難索。仰公學問又日新。磨礱幸偶謫仙人。遙知議論到佳處。眉間喜氣常津津。我慙蹤跡浪萍梗。欲親棊几嗟因循。飛双寥落絕問幅。渴心依約生埃塵。以膠投漆貴耐久。回光借燭期知貧。情均骨肉非有素。白玉琢成心始固。莫學紛紛輕薄兒。世情翻覆成雲雨。登雲依舊高嵯峨。指掌江山勝槩多。佳眠風物未入夢。疑泛靈槎游絳河。竭來乘興須一往。飛觴爛醉橫秋波。膺門况有金閨彦。筆驅麗景森吟哦。悠悠此志遂何日。款段相期踏雪過。洪文安公小隱集。王世英秀才出示曾卿詩求和。投筆文章壯志休。烏經鶴訓漫心留。若為一見開青眼。解使三公出黑頭。望隴自應知可否。折潮須信妙源流。夜光明月無虛售。可恐庸人按劍求。葛勝仲丹陽集。同子充遊堯祠。見交代李行正詩。追用李太白舊韻。因亦次韻呈子充。俗物敗人意。作吏七不堪。竭來東蒙遇歡友。角立傑出推江南。英材百汰揮利刃。夷量萬頃澄寒潭。弱齡文采照金殿。在苒立境衣猶藍。銅章來踏瑕丘鼓。邑屋歡康無疾苦。春風郊外正酣酣。笑指叢祠雨驟舞。猛拋簿領亂回回。戲看油碧聲如雷。不遣韶光浪湮滅。桃已蒸霞柳飛雪。超然危立俯河干。抱城清泗鳴鶩湍。謫仙秀句但碑板。無復真跡龍蛇蟠。君不見。聰明文思撫寰海。四表上下騰光彩。破椽

永大

永樂大典卷一百九十五

欺魄爐無煙。豪氣英風亦何在。荒郊遺趾望中來。遐想千古令人哀。祖龍
巡幸亦瑣瑣。從臣徒向蒼珉開。豪華豈復靈光殿。峻峗誰知季武臺。耿耿
星河挂窻牖。未跨歸鞍猶捧手。同門早歲氣橫秋。年大飢寒依秩酒。俗儒
醒醉尚不分。金馬玉麟名遠聞。小縣鳴弦煩卓令。冷閣問字疲子雲。五斗
不歸俱委瑣。邂逅爲僚天贊我。金蘭縞紵未足誇。嵇呂命駕何其賒。官寺
相望無百步。洋林正對河陽花。坐令莊舄吟忘越。亦復無心存魏闕。蒲酒
相從未有涯。祭竈請鄰纔一月。山谷以寒巖子詩十二首作藁書詞筆
俱絕。裴繼之出示求跋。因題絕句。百篇詩已露玄關。欲免驚愚理亦難。
招得使君來帳下。不應饒舌坐豐干。曾夢良傳惠然見存出闕字詩十
有七篇。偶撫所遺成三篇紀謝。未有歸資可買山。一封程奏便求閑。昨
昨去後容爭席。碌碌羞來肯抱關。幻界已知都是夢。真心自要識無還。尊
前袞袞聽名理。坐遣窮愁一破顏。清明時節訪溪山。消盡機心大智閑。
永樂元亮孤舟聊自棹。高平家事不相關。叩門雖幸千金顧。戀德翻嗟半日還。
並水幽亭同歷覽。應憐瓢飲政踈顏。居然埋照向窮山。誰識龍媒伏帝
閑。意氣雖吞雲夢澤。功名未羨玉門關。身常靜退緣知止。心不傾邪畏好
還。但恐縉紳公論在。招延行見覲威顏。葛立方歸愚集衛御叔自青陽寄

詩一卷。以飲酒果核穀味烹茶齋戒清脩傷時等為題。皆紀一時之事。凡十七首為報。自歎杖頭無孔方。頭上貂蟬乏金黃。醉鄉遙遙道路長。傲態新釀汲新涼。指點銀瓶難索嘗。空教金縷唱秋娘。遙想玳席行觴忙。綉段裝簾節妙香。夢熟有時歸故鄉。賜我屈卮澆客腸。不堪羈寓天一方。無心佩紫兼懷黃。侍酒無由道路長。如意至今質西涼。箬溪竹葉儻許嘗。藝色何須留窈娘。緬懷星郎拋令忙。席上微聞雞舌香。支頤騰騰之醉鄉。惟有翹生可娛腸。席中玳核來異方。烏桺正綠金張黃。大谷消梨紫蒂長。蒲萄馬乳堆西涼。深秋楊梅有何嘗。羅浮定逢何二娘。洞庭霜橘芭苴忙。吳姬手擘三日香。可憐猶子留他鄉。終日恐飢如龜腸。闕展食前一丈方。羔兒釀酒鵝兒黃。千里萼羹紫絲長。乳肥豐貯琉璃涼。芥齏豆粥得並嘗。尊前何用綠珠娘。貊炙羶煮庖厨忙。盃面濃封龍腦香。魯衛勾吳莫誇鄉。南北兩烹慰中腸。客居貧病醫無方。恐飢面作瞿曇黃。楓葉蕭蕭風陣長。東廂曝背資滄涼。隣家有酒難偷嘗。草書正藉公孫娘。家家刈熟畦。丁忙有口不識雲子香。令我馳神青暘鄉。杯粟有時來實腸。金杯製宅初奠方。夏木陰陰嘒鸚黃。紫絲步陣百里長。魚軒象服池閣涼。笙歌嘈雜聞未嘗。何止一曲杜韋娘。珠履玳簪迎送忙。羅幃綉幕圍風香。須臾料理

永大

曲

龍陽鄉。木奴千頭可充腸。靈芽胯底碁局方。茗梳班班金粟黃。食罷煮
香消日長。莫遣薑鹽資胃涼。廩君所嫉裴不嘗。誰是纖纖捧盃娘。識取真
腴那得忙。不是沙溪不入香。可須臾醉無何鄉。甘脆肥濃能腐腸。紙窻
蒲團竹几方。清曉聊翻經卷黃。禪心無累鬚眉長。坐回熱惱生清涼。月六
腥羶口不嘗。眼靜不覩登伽娘。名利從渠朝市忙。象口輕飄栢子香。菘蓴
大嚼蜻鼈鄉。不教藜藿徒集腸。淮南空說枕中方。鬼物豈解爲金黃。虎
龍自衛策窳長。身閱寒暑無炎涼。王母蟠桃端可嘗。何必更值王庖娘。日
月跳丸那覺忙。口中自有芝木香。雲裝羽帔入仙鄉。爲公洗髓兼浣腸。
王軟華芝今省方。西風索索吹繖黃。汲京宮闕秋草長。望風屑涕心淒涼。
襲擊用命嗟何嘗。義軍誰是竹園娘。黠羗何事追奔忙。大似濃薰返魂香。
清蹕何時還都鄉。中興慰我九回腸。王漢賓先生集雜詩四首。有憂烏
啼門。有喜鵲噪廬。主人聞啼噪。喜鵲唾老烏。吉凶實由人。烏鵲何與乎。但
知預相報。其智各有餘。人智不如烏。貪喜忌憂虞。遂於烏鵲間。憎愛乃爾
殊。福至自福至。禍來貴先圖。二鳥孰有益。嗟哉主人愚。春蚕口吐絲。生
人皆仰供。蜘蛛絲滿腹。祇能打飛蟲。衣服與網羅。利害豈可同。蠶生旬月
老。蜘蛛無春冬。蠶食惟草木。蜘蛛肉食豐。蠶以繭自縛。蜘蛛掛青空。蜘蛛

大永

有餘毒。春蚕有餘功。受報乃如此。天理不可窮。龜肉不可食。蟹螯不中
 上。龜以殼自戕。蟹以味見戮。所養殊穀豹。所亡等臧穀。一足致患害。內外
 皆鴆毒。稽康坐才死。霍禹以勢族。樂哉蟹螯中。貯此老龜肉。江發岷山
 陽。河出崑崙趾。淵源既洪深。浩浩并衆水。東流至渤海。曲折萬餘里。經山
 無重數。過郡不知幾。海邊有小溪。近出海山裏。未能數里間。已接潮波起。
 到海雖則同。難與江河比。**董霜傑先生集**書伯脩兄詩尾 覓句尤長五
 字中。只今惟有富清翁。解言泉擣空山練。不減澄江謝眺工。 戲書簡逸
 詩後。君詩頗似天韶女。淡抹濃粧忽入時。翻笑岷峨老詞伯。西湖信口
 比西施。 偶成 滿酌東坡桂醕更嘗張翰蓴羹。誰羨封侯蟻穴。醉鄉中
 寄餘生。 墮甌了忘萬事。枝筇聊伴閑身。乞取五湖風月。搜歸吟句清新。

偶書再用江字韻 莫厭簡編舒卷。借君棊几明窓。世路休休着脚。溺

永賢平地濤江。 戲書 容鬢先於蒲柳衰。秋風吹夢到茅茨。難亡情話團

栾處。生怕權門導沓時。知馬問牛類相準。棄人用犬猛何爲。紛紛傳舍曾

大非秦。况覓檳榔欲諱飢。 借東湖先生寄養直韻書淵明蘇公詩後 元

亮東坡百世師。人間夢事付癡兒。聞風遙酌一樽酒。擊節頻歌五字詩。清
 矣歛裳彭澤夜。悠然飽飯惠州時。誰言出處非同道。丘壑胸中兩崛奇。

書少鼎林陵詩卷。勝處由來富林陵。眼中領略句中新。孤桐朗王有天

律。明月清風無俗塵。今代主盟真戲我。平生作語豈驚人。碧雲暮合關心

事。儻復跼然寂寞濱。鄧耕欄先生集無題風行水上偶成文。暖入園林

自在春。換國雖工非我有。嘔心得句爲誰珍。三生戒老詩堪畫。千古長庚

筆有神。不可臨風嘆奔逸。簞瓢一笑舜何人。曹勛松隱集雜詩方塘倒

影青天淨。幽徑苔生綠蔭濃。春去得閑觀物化。吹涼醒睡喜支筇。孤山

不復訪林逋。杖策東風踏碧蕪。九里蒼雲行曉徑。四圍碧玉照晴湖。雲

際翻風斷鴈斜。城陰日暮噪棲鴉。春容落景寒猶嫩。望盡遙天數縷霞。

遠水兼天冷暮雲。驚風脫葉靜逾聞。蒲團宴坐都無事。只有山爐供夕熏。

幽棲真在赤城隈。桂月蘿雲冷斗臺。猿鶴定能知我意。移文未怨晚歸來。

景陽未下水雲鄉。梅影搖寒月一窻。歌枕夢能歸故隱。滿帆煙雨渡濤

江。春事忽忽祗可驚。暄和喜試曉衣輕。梅花爛熳渾如雪。只恐風生墮

玉英。欣欣花木遞香紅。雲散天空靜碧空。恰是韶華濃似酒。柳絲澹蕩

杏花風。從來甚愛水雲居。投老安閑且自如。淪茗焚香方外友。白灰紅

永 **大** 火養丹爐。臘後暄和若夏初。梅花催暖不容疎。從來准擬連旬賞。數月

能忙雪不如。曉天梅潤喜追涼。湖上夷悠興自長。清耳要聞蒲稭雨。擘

舟深入水雲鄉。清暑堂深日景遲。床頭書策夢回時。小欄閑倚薰風晚
 一點紅榴綠萬枝。連旬梅雨暗人家。甚阻支筇一徑斜。待得晴明蔭新
 綠。追涼風帽倒烏紗。此生擾擾事無窮。脫得閑身石火中。聊種柴桑三
 徑菊。未輸嚴瀨一絲風。危亭欄檻倚江干。飯了登臨得暫閑。林木巧隨
 高下路。山容都在有無間。西牕忽見弄微明。甚喜江湖作晚晴。不憚雲
 霄遺暑濕。且無聒耳瀉坐聲。綠暗紅稀迷處所。梅黃雨細半陰晴。小軒
 坐夕無餘事。喜聽黃鸝一兩聲。飛去鶯兒黃一點。壓低梅子綠團枝。釣
 牕捲箔涼生坐。但覺新陰轉影遲。柳浪收時水拍天。湖邊宮殿影相連。
 悠揚笛韻惟秋徹。款乃漁歌何處船。柑花開密玉隣珣。香轉薰風滿坐
 間。摘得一枝參鼻觀。不妨終日醒餘醺。佛頭山下雨隨風。倒海翻江一
 餉中。徙倚欄干便晴霽。湖光渺渺夕陽紅。一山孤秀隱溪雲。溪影涵光
 隔世紛。松竹徑深涼意透。衣中不覺午風薰。道人身在水雲鄉。誦罷楞
 伽日正長。蒲坐好風驅熱惱。一庭濃綠作清涼。輕雷隱隱初驚夢。小雨
 踈踈巧潤花。正是暄和好春色。常將詩酒賞年華。款段揚鞭過雨村。沙
 平步穩轉山根。好花一簇墻頭見。深院誰家尚掩門。浙浙西風入小樓。
 樓中聽徹玉笙秋。不妨青竹搔殘夢。甚怯新涼攪客愁。澹煙踈雨耿寒

大永

林一水涓涓淨不深。照影自怜逼桂落。歸涂未就更闌心。呂忠穆公集

偶成。金風蕭瑟動疎簾。細雨霏微拂畫簷。籬菊半開家釀熟。自慚生理

勝陶潛。古詩云。山僧頂不斂。沽酒引陶潛。謝劉仲忱寵惠詩編。久欽

文采動簪紳。晚見佳篇妙入神。全自鷄林酬去貴。珠從驪頷探來珍。越羅

蜀錦工誰擬。陣馬風檣勇莫倫。四十年來無此作。日罷詞賦。迄今四十年。

昨陽今繼少陵人。李壁鴈湖集。六月十八日作。三伏已過二。九夏欲賓

秋。月林踈梧響。露圃幽花稠。故人有晁子。高誼今前脩。勝地能館我。衰疾

於馬廖。山寂便午憇。井列共晨澣。墳素共偃蹇。几杖亦夷猶。嗟哉作田苦

斛水車輪抽。暮歌宛如笑。達旦不肯休。新穀幸稍登。懼貽晚禾憂。安得盡

塵壒。倒卷天河流。生意浹萬物。仁風扇九州。老餘亦蘇醒。脩然脫籠囚。眷

言南山曲。僂袂追浮丘。六月十四日。山色朝尤爽。溪聲夏亦寒。蹇予

資固陋。所得是平寬。庭日荒苔蘚。林風老蕙蘭。石牀聊可借。白月在松端。

為問微園綺。何如喚孔賓。好山時步履。幽澗或垂綸。塵遠知仙近。人踈

覺道親。晚來微雨過。翠色媚松筠。嚴秦伯出示誠齋五詩。屬予繼聲奉

呈一首。為愛比隣好。誅茅試結廬。地臨平楚迴。堂枕一峯孤。乞子青霞

珮。斟吾白玉腴。行行對金馬。謹莫戲侏儒。戲題。深院鎖蛾眉。黃花一

永樂

兩枝晚來天氣好。渾似早春時。又口占小詩五首。歸傳忽忽一過家。

驛亭回首見梅花。絕知天漢朝宗近。去去方乘犯斗槎。蟬連夜語不勝

清歌。枕僧牕蠟炬明。早是宋公懷抱惡。更禁庭樹作離聲。歲月翩翩比

擲梭。從公能幾別離多。梁州此去千山阻。病鶴無因借一柯。四海同心

閩貳卿。兩公相對眼長青。從今太史靈臺夜。定奏梁州聚德星。少年繆

許憂時策。萬里空懷報主心。畢竟窮通吾有命。鷗盟未冷且重尋。朱晦庵

集古意。光緒附撰。佳木生高岡。弱蔓失所依。佳木徒蒼蒼。兩美不同

根。高下永相望。相望無窮期。相思諒徒為。同車在夢想。忽覺淚沾衣。不恨

歲月道。但惜芳華姿。嚴霜萎百草。坐恐及茲時。盛年無再至。已矣不復疑。

劉得明彥集。祝弟以夏雲多奇峯為韻。賦詩戲成五絕。出山幾何時。

歸來便長夏。端居心不怡。散策長林下。高客厭城市。還家辭世紛。朝昏

何所見。但有四山雲。閉門事幽討。歲月忽已多。客來無可問。與君共絃

歌。十時本已懶。曾次况亡奇。若問中林趣。婆娑祇自知。炎蒸不可柰。

雲氣滿前峯。向夕風吹盡。微聞遠寺鐘。偶題三首。門外青山翠紫堆。

幅中終日面崔嵬。只看雲斷成飛雨。不道雲從底處來。擘開蒼峽吼奔

雷。萬斛飛泉湧出來。斷梗枯槎無泊處。一川寒碧自縈回。步隨流水覓

永

大

溪源行到源頭却惘然。始悟真源行不到。倚筇隨處弄潺湲。過高臺携信老詩集。夜讀上封方丈。次敬夫韻。十年間說信無言。草草相逢又黯

然。借得新詩連夜讀。要從苦淡識清妍。伯諫和詩云。邪色哇聲方漫漫。

是中正氣愈駸駸。予謂此乃聖人從心之妙。三歎成詩。重以問彼二首。

任從耳畔妍聲過。特地胸中順氣萌。箇裏詎容思勉得。羨君一躍了平生。

闕里當年語從心。至今蹤跡尚難尋。况君直至無心處。肯向人前話淺

深。公濟和詩見閔耽書。勉以教外之樂。以詩請問二首。至理無言絕

淺深。塵刹不相侵。如雲教外傳直的。却是瞿曇有兩心。未必瞿曇

有兩心。莫將此意攪儒林。欲知陋巷憂時樂。只向韋編絕處尋。福嚴讀

張湖南舊詩。樓上低回摻別袖。山中磊落見英姿。白雲未屬分符客。已

有經行到處詩。抄二南寄平父。因題此詩。闕里言詩得賜商。子貢。子

夏。千秋誰復與相望。鄒汾孟子文中子。斷簡光前載。關洛張子程子。新書

襲舊芳。析句分章功自小。吟風弄月興何長。從容咏嘆無今古。此樂從茲

樂未央。讀機仲景仁別後詩語。因及詩傳綱目。復用前韻。道有點識。無

言傳。向來誤矣空談天。只今斷簡規蠹蝕。似向追蠡看蟲旋。始之古人有

妙處。未遽秦谷隨飛煙。終然世累苦妨奪。下惟發憤那容專。一心正爾思

永

大

鵠至。兩手欲救驚頭然。書空且復罷。咄咄屢舞豈暇陪仙。兩年罷詩止

酒故云。功名況乃身外事。我馬肆兀日回鞭。解頤果值得水井。謂詩傳。鑿

古亦會朝宗川。謂綱目。兩公知我不罪我。便可築室分林泉。十年燈下一

夜語。閑日共賦春容篇。呂居仁集雜詩 烹葵去王畿。剝棗在海角。歲序

忽已周。月亦頻告朔。向來手中扇。今此已倦捉。尚嫌簿領繁。不厭朋友數。

塵埃向奔走。文字費彫琢。途人有前知。子乃獨未覺。出門見大路。夫子焉

不學。結髮在簡編。俗事方刺促。往來三十年。未見可棲宿。微官不能去

尚恐遣逼逐。歸棲則在念。所望一枝足。頻蒙故人娛。豈有鄰可卜。出門雖

無車。徑自騎黃鵠。重尋置錐地。青燈一盂粥。飢蚊青而化。怒目虬兩鬚。

黃昏於我遇。且復少踟躕。肌膚恣啖齧。熟視不可毆。中宵盛徒黨。意氣若

有餘。傷哉陷阱虎。有時被囚拘。求食至搖尾。曾此蚊不如。雲龍困螻蟻。此

語不可誣。京師新鄭與諸晁兄弟往還前後數詩 夜雨不嫌久。凜然

天欲秋。客燈吹屢滅。細雨落還休。未許金張並。虛為鄆杜遊。江湖少歸夢

知為故人留。我髮白已短。公愁安得長。牆根春薺老。瓶水臘梅香。侍立

無天女。相隨有漫郎。平生湖海興。今夜宿連床。髮短各已白。眼昏誰復

明。殘春斷花柳。晚日閉柴荆。潦倒書常廢。驅馳夢或驚。尚於圍聚樂。雖老

永大

未忘情。令弟窮顏蠋，書生老仲舒。相招得共處，何往更安居。歲月塵埃外，桑麻雨露餘。送行無別物，圯上一編書。苦語相留極，虛床會宿頻。山

東今出相，海內不無人。婦女能尊客，兒童不厭貧。長途有如遇，今日倍情親。無題 德盛不狎侮，玄談多類俳。居然少壯語，無乃近齊諧。恨此達

者趨猶乖，壯士懷故當。先復禮，方得盡梯階。聖學邈難繼，斯文當望誰。

還能養志氣，且務攝威儀。曾子但三省，子長徒愛奇。從來要公處，本不在

多知。心廣體故胖，意肅氣自屏。頽然萬物表，樂此一室靜。念君久安坐，

轉覺此味勝。踈籬過野馬，破牖行日景。但令此意真，不必費譏評。想當溪

山橫，更有松竹映。隱几得晝眠，此固可補病。我病無能到處窮，子才安

得尚漂蓬。如何共飲重陽酒，相對無聊似乃翁。重陽共采東籬菊，却似

乃翁年少時。顧我無能甘老病，相尋唯有向來詩。聞鍾即起待天明，客

舍無聊坐五更。何日長風破巨浪，看渠萬里出門行。平生隨我飯脫粟，

永靜夜不眠。尋細書，可見烏衣諸子弟。從來志業不如渠。學詩漸老轉銷

大聲。未路蒙公此日情，尚有文章能起疾。豈惟田里解蚩氓，近郊秔稻成秋

大熟。遠郭溪山入晚晴，刺繞長廊和新句。不知庭下薄寒生，一任衡門可

雀羅。時容歌枕聽懸河，因君小試屠龍手。要與午牕降睡魔，衾裯尚冷

知春深。意緒無聊覺病侵。夜半改詩緣底事。向來餘習立關心。胡虜安

知鼎重輕。禍胎元是漢公卿。襄陽耆舊唯龐老。受禪碑中無姓名。禍昭作

指柴門羅雀懶頻開。喜有新詩到眼來。聞道繫舟城脚底。莫乘溪漲便輕

回。入秋多病渾無酒。學道無成却讀書。莫謂窮居便寂寞。天涼猶枉故人車。

疾病侵凌我亦衰。後王誰復更相知。可憐日落長安路。不見驂駟

整轡時。夜涼早起尋李貽。李陸慶長所惠詩有作。夜長忘陰晴。忽聽

簷雨滴。空房閉重門。涼氣通枕席。欣然欲攬被。如覓舊相識。那知庚伏內。

得此睡通夕。起尋兩君詩。今我生氣力。成蹊長桃李。已自除荆棘。遠遊得

數士。舍此百無益。挑燈視皮膚。不顧蛟齧赤。因之不復寐。為子增歎息。

追成舊作。滿江風月一船霜。無計留君只自狂。燈火隔簾香隔坐。無人

知是竹枝娘。絕句雲海冥冥日向西。春風着意力猶微。無端一棹歸

舟疾。驚起鴛鴦相背飛。過盡層城渡石梁。亂山千疊轉羊腸。草堂居士風

流在。與種寒香滿古堂。江城春色漲晴空。櫻杏漫山潑眼紅。溪轉路回

人不見。藍輿十里度松風。雨濕平林松桂香。斷雲在苒拂踈篁。江山故

自可人意。從此歸休策最長。佛日縱步相尋索。歸甚苦。戲成絕句。相

逢不可苦相催。只一作直到更深月上回。莫怪室空無侍者。夜窻相對有

永
大

寒梅 戲成二絕句 老讀文書兩不前。亦無餘地可逃禪。閉門省事羣

鴛遠。唯有狸奴附日眠。病犬虺隤唯附日。懶猫藏縮尚逃寒。寧知兩馬

霜風下。更有長途不道難。口占二首 城北城南柳絮飛。街東街西鶻

鴟啼。海陵三月與春別。一夜雨成三尺泥。風雨屬連春事休。十日九日

轉城頭。雖無俗物敗人意。可使澄江消客愁。偶作 去年芳草又萋萋

休歎王孫猶未歸。更見春深送春鴈。三三兩兩傍雲飛。偶作二絕 不

嫌羸病守繩床。世念紛紛久已降。一夜月明如白日。驟聞急雨打天窓。

膏火從來只自焚。何曾野鶴駐雞羣。如何死亦無公論。地下猶存衛府勳。

鄙夫養病苦不足。諸公覓官常有餘。自是閑人不更事。可隨雲鳥更深居。

擬古 寒雞不能晨。苦雨自朝夕。上爲雲雷巢。下乃龍窟宅。坐看陰外

天。缺月桂殘魄。少未可喜人。牖戶陳玉帛。平生千萬年。畧有二三策。牛山

所種木。日在斤斧厄。念君十年心。使我雙鬢白。擬古 西鄰有佳人。開

戶納明月。月照衣上纓。同心爲誰結。此結今幾時。未解心已折。隔林聞搗

練。起坐更鳴壺。情人在萬里。我獨音問缺。不聞行路難。但見思歸切。年來

契闊久。烈士或喪節。如何空牀居。初未見短闕。胡馬與越鳥。本自無離別。

草搖新霜白。秋送池水竭。君心有斷絕。妾恨無盈歇。題焦寺丞詩冊三

永

大

絕 一世奔波在別離。君家孝友獨天知。已令好夢傳消息。更有賓鴻劾

羽儀。路旁來報定何人。物理潛通自有神。想得三衢相見地。至今草木

亦長春。河朔家人墮渺茫。江南風日正舒長。已知原上鶴領處。更入雲

間鴻鴈行。丁未二月上旬四首 丞相憂宗及編氓恐禍延。乾坤正翻

覆。河洛倍腥羶。報主悲無術。傷時祇自憐。遙知漢社稷。別有中興年。厄

運雖云極。羣公莫自疑。民心空有望。天道本無知。野帳留黃屋。青城挿宅

旗。燕雲舊耆老。寧識漢官儀。羽檄從天下。于今久未回。如何半年內。不

見一人來。周室仍遭變。宣王且遇災。猶存九廟在。咫尺得祈哀。主辱臣

當死。時危命亦輕。誰吞豫讓炭。肯結仲由纓。灑血瞻行殿。傷心望虜營。尚

留儀衛否。早晚復神京。喜才仲兄弟。至偶成十字。落日下喬木。好

風來暮船。徑思投轄飲。復作對床眠。寂寂驅愁外。紛紛着酒邊。平生五經

笥。不直一囊錢。申端應時 避亂久去國。遠遊將抱孫。氛埃到湖嶠。愁

難滿乾坤。氣力吾先老。風流子獨存。相逢能少駐。重為倒餘尊。謝人送

詩 堅坐少愉樂。欲行還滯淫。時蒙七字句。可慰十年心。歲晚日晷短。天

寒霜雪侵。主人不馱客。敢辭酒盃深。讀東坡詩 命代風騷第一功。斯

文到底為誰雄。太山北斗攀韓愈。琨玉秋霜敵孔融。不見陸機歸洛下。只

永大

聞張翰過江東。廣陵雅操無人繼。六十餘年一夢中。樓攻媿先生集戲作

二子爲丞分越邑。女兒隨壻過江南。莫言屋裏成岑寂。匹似當初只住

庵。經筵講詩徹章進詩。聖主承丕祚。于今歲幾遷。昭回光飾物。剛健

位乘乾。善治新更化。當陽獨攬權。誅鉏及共鯨。擢任列闕顛。曩日方謀始。

宸心最急先。未遑親政理。首務闢經筵。恭儉甘卑室。尊嚴拱細旃。晝居勤

已甚。坐侍禮無前。講徹詩三百。時逢運半千。諸儒深誦說。六義極摩研。俯

閱毛公傳。旁參鄭氏牋。慨尋中古意。重是素王編。舊本三千首。終存十二

篇。雖遭煨燼厄。所賴詠歌全。開迹因農事。安民在井田。成功時邁酌。興業

大明繇。東國思平賦。南山樂得賢。艱難由右稷。勞來美周宣。起自紹熙載。

迨茲嘉定年。關雎從肇彼。殷武遂終焉。寵數傳中旨。恩光被爾聯。神文期

繼踵。元祐信齊肩。內廐頌雲騎。雕鞍絢錦韉。茗分龍焙品。香拂御爐煙。衆

俊咸宣力。孤生亦備負。少時曾學仕。老去未忘筌。納祿誠休矣。歸耕久晏

然。鋒車俄促召。梓里謂登僊。詞禁容揮翰。天官命典銓。豈知侵莫境。重得

侍甘泉。朽質何能報。孱軀殆欲捐。尚思求譎諫。海嶽效塵涓。謝剡中沈

元龍惠詩。東陽何事到東州。百語曾無一語酬。深羨松筠無改葉。自言

永

蒲柳已先秋。千金既覺成虛擲。双壁還驚又暗投。別後未知何日見。但將

吾道付
滄洲。

永樂大典

永樂大典卷之八百九十五

永樂大典

永樂大典

永樂大典

永樂大典卷八百八十五

永樂大典卷之八百九十六 二支

詩 宋詩五

袁起岩東唐集臨安邸中即事且謝誠齋惠詩 猶得十篇慰族思。坐吟

行詠只相隨。豈無一箇閑賓客。便有誰來得似詩。東風一夜轉西南。分

外羈愁分外寒。秋裏酒腸渾不放。一盃全似十盃寬。老來無復夢清都。

到得清都却守株。些子行期猶自拙。箇中能巧定應無。一去重來髮已

星。八年歸老卧漳濱。似曾相識滿天下。不信憐渠未有人。悶殺樓居隘

似囚。一樓四壁障雙眸。趁晴下得樓來看。又被西風趕上樓。有愁無睡

眠青青。鼠齧虫吟到五更。不分小黥同作祟。呼牌也作百般聲。世事全

無只恁閑。光陰閑裏故相關。欲將睡去消磨日。睡得醒時日未闌。只作

離家一月程。如今一月正飄零。定非官祿星臨命。想見流年是客星。急

雨斜風一夜狂。客衾愁枕五更長。問君箇裏情懷惡。不聽鶻啼也斷腸。

挑燈拭眼聚詩材。撚斷鬚時句欲裁。判却三更猶不寐。待渠明月過樓來。萬瓦叢中客裏身。可憐虛度一番春。日長尋得寬心術。喚取門前賣卜

永樂大典

大典

人。男兒孤矢四方居。何以家爲莫念渠。打撲精神希一遇。書來不必問
何如。范石湖大全集程助教求詩。殘山剝水帶離亭。送客煩君遠作程。
真欲明年擊吳楫。白沙翠竹是柴荆。藻姪比課五言詩。已有意趣老懷
甚喜。因吟病中十二首示之。可率昆李賡和。勝終日飽閑也。舊歲連新
歲。涼床又暖床。山川屏裏畫。時刻篆中香。畏壘安吾土。支離飽太倉。若教
身便捷。鶴背入繼揚。物鹿紛紜夢。亡羊散亂心。眇昏遮眼讀。愁苦撚髭
吟。幸覺行迷遠。其如卧病深。通身都放下。何用覓砭鍼。日暖衣猶襲。膏
長被有稜。朝晡三椽飯。昏曉一缸燈。伴坐跼如几。扶行瘦比藤。生緣堪入
畫。寂寞憇松僧。繩倚扶拐骨。蒲團閤悴膚。事疑償業債。形類窘囚拘。空
却真常体。浮生幻化軀。箇中元不二。無語對文殊。軟熟羞盤饌。芳辛實
枕幃。候晴先曬席。占濕預烘衣。易粟鷄皮皺。難培鶴骨肥。頭顱雖若此。虛
白自生輝。數息憎晨青。伸眉愜晚晴。隙塵浮日影。窻穴嘯風聲。捫蝨天
機動。驅蛟我相生。偶然成一笑。栩栩斃身輕。貴仕龜鑽筴。閑居馬脫鞵。
冠塵昏舊製。帶眼剝新圍。堆案書郵少。登門刺字稀。掩關灰木坐。休示李
咸機。目青浮珠珮。聲塵籟玉簫。秋懷潘鬢禿。午夢楚魂銷。注水銚花醒。
听薪鼎藥潮。南柯何處是。斜日上廊腰。静裏秋先到。閑中晝自長。門闌

大永

疑泄柳尸祝湯庚桑腹已枵經笥身猶試藥方強名今日愈勃宰負東墻

汗漬筇枝赤苔封履齒青有醫延上坐無客仇分庭霽月鑽牕者鳴禽

側枕聽莫嗔猿鶴怨岫愧兩羊肩偶然偶然寸木壓岑樓且放渠伊

出一頭鯨漫橫江無柰螳鵬雖運海不如鳩躬當自厚人何責世已相違

我莫求石火光中爭底事賓親收拾付東流再題白傳詩香山歲晚

惜芳辰索酒尋花一笑欣列子御風猶有待鄒生吹律強回春若將外物

關舒慘直恐中墜混主賓此老故應深解此逢場聊戲眼前人周孚鈞刀

編崔仲才問詩於予作此贈之日吾未此居時已聞子名墮地驥駭俊

破穀陵伽鳴過我不憚勞琳琅照柴荆圖史佩商榘辭章嘆縱橫寅綠託

契未歲月令崢嶸相望百里遠尚記十載情袖中河梁句規摹漢西京賞

子圭壁姿愧我蜩蛩聲城廩反見迫欲語還自驚斯文煨燼餘作者夷跣

并苦苴不柰秀涇流自為清差池百年內望子為長城已知蓄積富更在

淘汰精君看上歲田寧可鹵莽耕石槩久則穿誓勿塞此盟床頭有濁酒

會與子同傾讀呂居仁詩有味其言因錄致德裕隱軒中且次其韻余

賞蒼煙窮谷之約於德裕故末章及之彘落不解罷骯髒無緣官朱郎

抱此恨終歲常鮮懽家書破萬卷生計才一簞積憂苦薰心獨以詩自寬

永大

清於虫鳴秋。淡若雲出山。老眼久無人。一見為解顏。菰蒲葭葦中。英才得任安。向來三日疑。共此一室閑。人事喜乖悟。比復會面難。駸駸爭奪徒。臨

淵穀黃間。日月老鬢鬢。百挽不一還。那知箕穎波。可以濯肺肝。我形已支離。乃學仍平漫。會營南山廬。與子同歲寒。次韻朱德裕讀豫章詩。黔

安老居士。平日漫為官。梁壞哀何補。韶亡續更難。真為漢玄嘆。寧知楚纍

者。會買臯比去。靳無負此冠。事見集中秦七史慶臣好詩。而喜俠飲之酒。

而贈以是詩。踏遍荆吳鬢欲華。夢中煙雨暗三巴。白鹽赤米猶能飯。碧

嶽清流便當家。子黨昔誰怜范叔。吾門今始識劉叉。鷄斯賊食雖堪笑。相

祝無勞置齒牙。偶成六言。筠箏歌眠露夜。蒲團趺坐花時。莫嘆老驥

千里。且喜鷓鴣一枝。**葉水心集**讀葉子元詩題其後。心閑誤比游絲轉。

境勝空疑渴醖流。我已輸君聞早覺。醉吟都與日中收。薛景石兄弟問

詩於徐道暉請使行質以子錢界之。彈丸舊是吟邊物。珠走錢流義自

永

通認得徐家生活句。新來攔典諱詩窮。題孫季蕃詩。子美太白常住

世。佳人栩栩夢魂通。瀉落天河澆汝舌。移來不周盪汝胃。千家錦機一手

織。萬古戰場兩峯直。孰南孰雅喚莫前。虛蕭浪管吹寒煙。**龍謙孺白蘋集**

古詩。虞身乾坤中。適意乃其常。貧賤亦天然。尤怨徒自傷。平生賦命薄。

守已豈不良。量分稍過差。神理翻百殃。苟無濟世具。希進未免狂。鄙哉髣
 上人。遠跡空潛藏。市朝車馬喧。不礙松菊芳。何妨著衣冠。用捨姑逢場。僕
 無僥倖心。世亦不見戕。十旬五旬病。三日兩日餓。閉門本求安。歲月不
 可過。秋成尚百日。急迫如星火。西風吹楸林。木葉朝來墮。夕陽下城頭。蟋
 蟀鳴戶左。褰裳臨溪水。照影非昔我。悲歌動隣里。慘慘風滿座。懷深聲愈
 淒。辭絕意難和。人生一世間。太半逢坎坷。為樂須及時。倏忽傷老大。西
 風正浩蕩。出門無所尋。強起理菊花。聊以慰我心。傍籬見南山。經旬阻秋
 霖。豈不欲傲遊。慮此泥濘深。涼颼帶寒煙。曠色著高林。歸鳥未遑棲。撼撼
 風葉吟。遊子悲故鄉。感嘆歲月深。一室蔽蓬蒿。空壺絕孤斟。徘徊東墻下
 仰視林端參。耿耿夜何長。白露濕衣襟。初日照池底。游魚戲漣漪。落日
 延西林。蜻蜒弄斜暉。忘情體自適。不但禽鳥微。以茲慰心胃。富貴如何違。
 捨策者清溪。步屨臨荆扉。青天委長流。孤雲無所依。居然忘物我。身世忽
 若遺。

永

大

園林有清氣。寢興不裹首。散策遶花次。次第除繁枝。分明去浪蘂。客至旋
 結襟。捨柯惜餘味。新稍纔過屋。弱榦漸拂地。是有深趣。欣然心自慰。
 送客出河門。返手閉籬關。歸來懸午牕。坐看屋上山。衆雛困未覺。擣藥聲

已殘倦鳥止不飛。鷄犬亦在欄。高林靜白日。時覺鳥聲聞。寂寂窮巷中。翳翳桑柘間。不妨麻稻香。無時未昇端。古詩四首呈劉行簡給事丈。人

生寄寒暑銷鑠如然薪。但見烈火炎。倏忽糜灰塵。不過數十改。即已無此身。豈不甚哀哉。言之爲酸辛。達士易與足。一飽即自伸。遇者運多途。貧婁

喪其真。如此不飲酒。徒爲世上人。一室守丘壑。四海無遐想。樂此鄰里

歡。坐閱草木長。燕寢北牕下。枕几遂俯仰。清風動柴荆。白日照窮巷。接目有佳色。到耳無驚響。樂哉心迹安。庶保神氣養。百年茅簷下。邈矣千載上。

少年負豪氣。乃心在有爲。天下非我能。胡爲久棲棲。聖賢既在上。治具皆設施。一塵爲天氓。豈不樂在茲。但願禾黍肥。富貴從此辭。雨露被東臯。草木含華滋。一物遂生成。仰荷皇天私。努力且加餐。已矣復何期。人無

百年期。乃爲千歲根。蓄積爲衆鵠。此意古所敦。憫余貧賤士。窘束未易論。今歲夏潦至。信宿水浸門。舊粟已告竭。新稼無一存。朝分糠粃食。暮掇藜

藿吞。一身未保活。况敢念子孫。雖云傷我懷。賦命不可奔。未死尚爲氓。一息猶天恩。絕句 小雨收溪北。微雲沒舍西。地喧鸚鵡聞。日暖鷓鴣啼。

永樂

無題二首

春風桃李容。能得幾時好。誰憐澗底花。自對春風老。可

惜花無主。分明枉過春。誰憐桃李豔。却屬路行人。絕句三首 楚天落

日暮雲浮痛飲狂歌不覺愁。醉眼山光似鄉曲。怎知身在漢江頭。漢口
風光惱殺人。綠楊無數遠江津。草堂日日来新燕。釣艇時時得錦鱗。大

別寺前春草深。鳳棲山下漢江清。空材野隴誰為主。賴有流移旅客耕。

表姪趙文鼎監稅傳老拙。所定九品杜詩說。正宗作詩告之。平生竭力

參詩句。久矣冥搜見機杼。豈惟蘊蓄徹遮欄。要使幽深盡呈露。君今學詩

叩妙理。頗已具眼識精粗。他年陶冶融心神。好與造化開門戶。讀之便感

誰使然。若見其事在其處。會須體物奪天機。便可分庭抗李杜。風騷樂府

久寂寞。但見坡谷正馳騫。君才妙齡中科選。第恐此道非先務。詩分九品

吾所創。妄與正宗鬪行路。君今持此欲誰論。勿使羣言生謗怒。唐仲友說

齋集代家君答間老詩三首。已下奉祠侍親歸鄉後作。流水高山舉似誰

我慚善聽匪鍾期。三詩歷歷皆可語。彷彿當時病可師。附熱銜泥不足

言爾來杖錫亦紛然。不趨鑪炭趨寒谷。青白於中覺汝賢。江山天借使

詩昌太守風流似沈郎。莫作推敲衝導其。好隼佳句過黃堂。讀章嘉甫

詩。句法亡來久。詩壇忽有人。看君戩字苦。勝我食芝新。國史空遺恨。竿

門未識真。尚須樽酒細。非效捧心顰。次季玆索楊繼甫詩。詩來得得

巧搜尋。清似壺水洗我心。白雲陽春皆絕唱。高山流水欠知音。秦淮淼淼涵

永
大

秋影。楚岸迢迢起夕陰。此際須君速相就。寒鴉趁侶欲投林。再用韻

愛山欲作抄秋尋。薄宦逢回倦壯心。排遣牢愁須魯酒。激揚逸氣和春音。歸與物色荒山徑。晚矣功名惜寸陰。寂寞孤芳聊自守。不殊蘭芷在深林。

張南軒集 張子困求予詩為賦此 窮冬泝荆江。風急波濤怒。張君一葉

舟。追逐任掀舞。時從古岸傍。頗得班荆語。君家岷山下。鬚眉挾風雨。萬里

垂索歸。問君何自苦。兩兒纔過膝。秀色隱眉宇。昨者試省中。旁觀正如堵。

誦書聲琅琅。亦復記訓誥。呼前與酬答。進止良應短。我為三咨嗟。每見必

摩拊。祝君須愛惜。事業貴有序。美質在陶冶。如器無苦窳。道遠方愁予。速

成戒自古。可使利欲風。居然熏肺腑。良心人所同。愛敬發端緒。岷江本一

勺。東流貫吳楚。但當養其源。日進自莫禦。君歸閉門思。予言或可取。馬

上口占 向來一雪壓霾昏。曉跨征鞍傍水村。七十二峯俱玉立。巍然更

覺祝融尊。偶作 世情易變如雲葉。官事無窮類海潮。退食北牕涼意

滿。卧聽急雨打芭蕉。偶成 公庭過午無餘事。退食歸來默坐時。晴日

半牕香一縷。陽來消息只心知。謝用掾惠詩 一見知心事。旋觀慰目

評。慈祥漢循吏。儒雅魯諸生。莫作周南漢。終期冀北程。新詩連夜讀。梅影

伴孤清。揚誠齋集 讀淵明詩 少年喜讀書。晚悔昔草草。迄今得書味。又

永

大

恨身已老。淵明非生面。穉歲識已早。極知人更賢。未契詩獨好。塵中談又
睽。暇處日偶到。故交了無改。乃似未見寶。貌同覺神異。舊翫出新妙。瑠空
那有痕。滅跡不須掃。腹腴入瓊初。天得萬象表。向來心獨苦。膚見破幽討。
寄謝穎濱翁。何謂淡且槁。讀唐人于瀆劉駕詩。劉駕及于瀆。死愛作

愁語。未必真許愁。說得乃爾苦。一字入人目。蜚出兩睫雨。莫教雨入心。一
滴一痛楚。坐令無事人。吞刃割肺腑。我不識二子。偶覽二子句。兒曹勸莫
讀。讀著生愁去。我云寧有是。試讀亦未遽。一篇讀未竟。永慨聲已屢。忽覺
二子愁。併來遮不住。何物與解圍。伯雅煩盡護。偶成 珍禽飲盆池。將

扇撲牕戶。一聲驚得飛。再聲驚不去。絕句 楓老顏方少。山晴氣反昏。
舊貧今更甚。已冷幸猶暄。書王右丞詩後 晚因子厚識淵明。早學蘇

州得右丞。忽夢少陵談。句法勸叅庾。信謁陰鏗。詩情 只要凋詩不要
名。老來也復減詩情。虛名滿世真何用。更把虛名賺後生。讀唐人及半

永 山詩。不分唐人與半山。無端橫欲割詩壇。半山便遣能叅透。猶有唐人
大 是一關。跋黃文若詩卷 五字長成壁不如。鼠肝蟲臂得關渠。竹坡集

裏曾相識。驚見蘭亭繭紙書。無題 坐看胡孫上樹頭。旁人只恐墮深
溝。渠儂狡獪何須教。說與旁人莫浪愁。和韓子雲惠詩 幸自同裘好。

誰令異巷居。恭承五箇字。不但百車渠。句法端何樣。先生肯乞去聲餘。只容禪劍缺。敢道出無車。和濟翁弟惠詩。竟歲不得回。移書馬用頻。我

方得吾弟。今豈有斯人。海內友非少。談間子獨親。醉餘無浪語。尤見醉中

真。相思何所似。饑者食人頻。此客非常客。詩人太逼人。黃初那足過。子

建巧能親。臺閣俱知己。誰為薦子真。語妙渾忘夜。杯行未厭頻。平生憎

俗子。勝處要吾人。已結詩中社。仍居族裏親。酒邊不着句。何許見天真。

跋張功父通判直閣所惠約齋詩乙藁。句裏勤分似。燈前得細嘗。孤芳

後山中。一瓣放翁香。若處霜爭澀。矐來鶴校強。不應窮活計。公子也奔忙。

擬汲古得脩綆詩。學子研終古。難將短淺求。汲深欣得得。操綆要脩

脩。遠酌源千載。長縲思萬周。初如泉眼隔。忽若井花浮。意到言前達。詞於

筆下流。昌黎感秋句。聖處極宜搜。擬玉水記方流詩。觀水那無術。曾

於往記求。是問還韞玉。其外必方流。縵粟淵潛久。英華氣上浮。清波皆中

矩。寶祿直橫秋。金海芒相貫。璿源折以幽。端如君子德。不病暗中投。擬

歸院柳邊迷詩。玉殿朝初退。金門馬不嘶。院深歸有處。柳暗迹都迷。紫

陌春無際。青絲舞正齊。風烟忘近遠。樓閣問高低。殘雪鶯聲外。斜陽鳳掖

西。小陵花底路。物物獻詩題。擬上舍寒江動碧虛詩。江遠澄無底。秋

永

大

深分外寒。太虛元碧淨。倒影動清湍。浪雪翻空碎。天藍落鏡看。光搖楓葉冷。聲戰蓼花乾。畫手瑣心苦。詩脾覓句難。人間那有許。我欲把漁竿。題

徐衡仲西牕詩編 江東詩老有徐郎。語帶江西句子香。秋月春花入牙

頰。松風澗水出肝腸。居仁衣鉢親分似。吉甫波瀾併取將。嶺表舊遊君記

否。荔枝林裏折桄榔。為王監簿先生求近詩 林下詩中第一仙。西風

吹到日輪邊。杜陵野客還驚市。國子先生小着鞭。拈出老謀開宇宙。本來

清向只雲泉。新篇未許兒童誦。但得真傳敢浪傳。張切父索余近詩。余

以南海朝天二集示之。蒙題七言。作者于今星樣稀。凄其望古駟難追。

空桑孤竹陶元亮。玉佩瓊瑤杜拾遺。自笑吟秋如嬾婦。蟋蟀也。見古今注

可能擊鼓和馮夷。報章不作南金直。慙愧君家丙藁詩。讀樊川詩 江

妃瑟裏芰荷風。淨掃癡雲展碧穹。嫩熱便嗔疎小扇。斜陽酷愛弄飛蟲。九

千刻裏春長雨。萬點江邊花又空。不是樊川珠玉句。日長淡殺箇衰翁。

與長孺子共讀東坡詩。前用唐律後用進退格。急性平生不少徐。讀書

不喜喜觀書。十行俱下心未醒。兩日俱昏還月餘。偶與兒曹繙故帙。共看

詩句羨春蔬。問來却是東坡集。久別相逢味勝初。枉看平生多少書。分

明便是蠹書魚。萬籤過眼還體去。一字經心却似無。急讀何如徐讀妙。共

永 大

看更勝獨看渠。麴生冷笑仍相勸。惜取殘零覓句鬚。與長孺共讀杜詩
病身兀兀腦岑岑。偶到兒曹文字林。一卷杜詩揉欲爛。兩人齊讀味初

深。斷肝枉却期千載。漏眼誰曾更再尋。筆底姦雄死猶毒。莫將饒舌泄渠
心。謝邵德稱示淳熙聖孝詩。古人浪語筆如掾。何人解把筆題天。崑

崙爲筆點海水。青天借作一張紙。作商猗那周皇矣。廷尉簿正邵夫子。淳
熙聖孝貫三光。題大如天誰敢當。夫子一洒金玉章。銀河吹笙間琳琅。吉

甫奚斯鴻鴈行。彼何人哉唐漫郎。夜來玉蟲雜金粟。老夫春寒眠不足。起
來拾得聖孝詩。燈花阿那聖得知。跋吳子箕秀才諸卷。君家子華翰

林老。解吟芳草夕陽愁。開紅落翠天爲泣。覆手作春翻作秋。晚唐異味今誰嗜。耳
孫下筆參差是。一徑芙蓉十萬枝。喚作春風二月時。旁人笑渠眼花恐落

井。渠方掉頭得句呼不醒。老夫向來守荆溪。郡有詩人元不知。贈我連城
雜照乘。一夜空齋橫白。芙蓉春風之句。乃吳之警句也。唐吳融云。不勞

永樂大典

芳華色。更惹夕陽愁。周益公大全集劉仙才仲俊示其父醉庵詩集索鄙
句。蹇步嬾跚到作溪。病眸眩瞶刮金篦。清風滿座無塵事。遺墨盈編有

舊題。父羨山人居水北。今知詩社續江西。醉吟跌。誰能寫髣髴琳琅識
介珪。沈繼祖枕林集次韻答李孟達通判索鄙詩。剛後無詩亦可憂。人

言賦者古詩流。欲聞正始今安在。須向先秦以上求。元酒大羹存至味。子

虛亡是謾相酬。萬人叢裏誰人曉。獨有夫君暗點頭。項安世丙辰悔藁陳

信民求詩。子合陳平甫。吾當項信民。食兵吾不愧。門轍子方貧。老眼觀

斯世。多情尚若人。相過無遠近。元不計冬春。次韻鄭檢法與胡教授論

詩。古詩亡。狗曲新。樣入桑間。論稍經坡谷。人方敬杜顏。詩至子美。字至

魯公皆集大成。坡谷云然。天機傳杼軸。僧袖忌攔班。妙處無多洩。從來造

物慳。謝張堯臣秀才惠詩。詩人張武子之弟。字以道。原本號句。古不

要世人憐。碧甃千尋綆。朱絃五十絃。鼎來三影句。印脫一燈傳。依約雲門

路。寒馱兀瘦肩。予與張武子游雲門今十年矣。偶得二首。水邊楊柳

禿籬沙。路上寒梅噤未花。欲識乾坤生物意。桑根麥子已含芽。雪中春

到梅花覺。冰底水行人未知。珍重天公好消息。通今通古更何疑。絕句

能日長沙岸看雲只念家。如何永州夢。偏愛在長沙。次韻黔陽王令

論詩五絕句。洞庭五百里。巨浸衡岳七十二。高峯不是公家掾。掾筆。个

中拖手若為容。舊日輞川圖上翁。而今孫子尚家風。如何寂寞黔陽去。

五兩青綸一敵宮。驪珠一百二十六。落紙勻圓字字同。怪得春未全少

雨。煙雲都在錦囊中。見說吟哦三十載。從來此字一生功。勸君莫用彫

大永

見說吟哦三十載。從來此字一生功。勸君莫用彫

鐫得只恐令人晚更窮。我亦童年學露蛩。老來留眼送歸鴻。自從謝絕
曹劉後。浩蕩春光滿太空。得句平生為斯文。思極心欲破。得句如得

官。歡喜不能柰。遶床行百匝。如覺此身大。昔我得官時。悠然但高卧。次
韻謝姜自明秀才示卷詩。高人貴寡和。不顧世俗非。君歌陽春曲。調與

衆耳違。朱絃古時瑟。素積前朝衣。尊我泰羨饌。枯腸飲晨飢。贈我和氏璧。
茆欄發霄暉。平生織流黃。忽受苦錦機。愧非鍾子鑿。空枉伯牙徽。謝姜

夔秀才示詩卷。從千崑蕭東甫學詩。千巖一派落都城。承露金盤爾許
清。古體黃陳家格律。短章溫李氏才情。等閑又得詩人處。咫尺相過故將

營。想見紅塵烏帽底。幾多懷玉未知名。監利許知縣見示詩卷。錫我君
五十四篇詩。燃盡青藜杖一枝。長韻屈平經裏思。短章介甫集中辭。只因

雲夢曾遊耳。便把江山盡得之。割我錦機君已甚。不須更遣世人知。謝
王草場示詩卷說。王郎老句合超羣。曾是東萊語夜分。多向斷崖生絕

景。或於晴野度輕雲。舊吟古意無人解。新住荒園免世紛。特地藍輿穿北
郭。已聞藜杖過前村。惜韻。陳櫻寧既刊周左司太倉稊米集於集陽。趙

永樂

使君復刊櫻寧詩於荆門。詩家皆美其師徒傳授之懿。余亦次韻美之。
鄉人長幼班以年。戚烟遠近合以連。未知骨肉金石堅。祖孫父子其屬天。

詩人一炷倉梯煙。王州拜後櫻寧前。如念爾祖思厥先。非真有聞胡得焉。
漢餘師法忌蘘泮。譜系散落觀者眩。王州搔首吾不然。持此薄命將誰妍。
向來得法双膝穿。老矣重任猶承肩。有能一鑿直我絃。两手付汝君不見。
大書深刻開重玄。徧四大海求其傳。**章甫自鳴集**張德恭以詩當謁次韻。

新詩俄拜辱。午醉未全醒。如入圖書府。宜游著作庭。文章先體製。耆舊
有儀刑。愧我空遲莫。窮居晝掩扃。故里猶牽夢。他鄉且定居。老於經卷

熟。病與酒杯踈。耕稼少豐歲。交朋多素書。飄零常自笑。潦倒更如誰。無
題。碁局機心在。詩篇習氣餘。去來旋磨蝱。生死蠹書魚。閱世雙蓬鬢。還

山一草廬。苦無食衣計。不是故躊躇。謾成時事何年定。吾生半時休。
僧居才解夏。邊壘又防秋。遠水朝滄海。斜陽傍小樓。西風吹畫角。歸思滿

扁舟。六言。刺繡何如倚市力。耕須要逢年。留醉堂中老子。日長沽酒
無錢。飢腸有句欲吐。陋巷無人肯來。薄晚飄風驟雨。終年枯木寒灰。

永

從來鍾鼎無夢。是處林泉可家。料事頗知風雨。逢人且說桑麻。一丘一
壑粗足。老圃老農可師。鷄唱不踰風雨。蛙鳴何擇官私。舊書終日懶讀。

小芥有時獨携。取醉旋篋白酒。護生不殺黃鷄。兒女逼人咄咄。交朋笑
我悠悠。幸逢邊塞無事。但願山田有秋。**陳造江湖長翁集**偶題 霧紅煙

白忽橫陳。雨後風光聖得新。說似遊人須著便。陰寒已破一分春。無題

多譽庸非蠲忿草。一謙良是辟兵符。先生警效忘鷄口。俗子過逢動虎

鬚。酒鴟車後無何飲。易卷床頭脫復看。豈謂浮生須此具。世紛方解不

相干。才不時宜嬾治生。學專信已一官輕。只今尚友須千載。獨惜時無

尚子平。居為耕叟出為官。出處人將二致看。朝市山林俱一道。却須神

武掛衣冠。薄宦受風梗。還家歸岫雲。行人與喬木。老色竟平分。末路慙

周朴。窮交有墨君。看渠綬若若。千騎詫鄉粉。浪出嗟何補。歸來樂有餘

山川付不借。天地託蘧廬。酒熟聊呼客。鉤垂不在漁。平生棲遯意。政用盖

迂疎。卧病十四五。秋來身自輕。已拌不藉在。寧復可憐生。每笑隱者傳

尚存身後名。灌閣聊日力。分藥且交情。題五柳先生詩編年後二首

淵明英傑氣。不減運甓翁。漫仕徑拂衣。高枕北牕風。平生經世意。蕭然詩

卷中。卯金納大麓。正自竊鉄雄。妖難自取死。遽敢貪天功。斯文未斷喪。吾

道聊污隆。把菊得沉醉。直氣歛長虹。區區記隱德。史筆殊未公。邨報議

麟經。下書目義易。曲學暫零曠。日月豈終蝕。陶翁詩百篇。優造雅頌域。九

原不容作。妙意渠能測。今君語折塵。指示了皂白。定知泚筆人。斜川舊仙

伯。臺輦無餘蘊。領覽飽新得。言下悟永師。吟邊識圓澤。送詩陳惠伯。惠

永樂

大雅

伯求所居三詩既為賦作此以送。危樓深室桂為堂。題品端宜虎豹章。

歷數諸公皆大手。尚須此老索枯腸。馳神幾夜層虛上。血指如今妙斷傍。

聊復送君供覆瓿。未須傳到鄭公鄉。閑題。自笑冠裳裹沐猴。只今江

海信虛舟。斷無具闕珠宮夢。信有黃鸝紫蠟秋。詩外盡為閑日月。人間分

占素公侯。政須鷗鷺供青眼。未厭山林映白頭。再次韻謝惠詩仍叙不

敏。百鎰贏金數仞堂。何如盟手頌佳章。奪胎信自非九劑。獻佛當知便

放光。斤運向來車合轍。影斜還惜鴈分行。衰年離緒誰禁得。鏡裏新絲莫

計長。小家茨竹即為堂。暇訪深林索豫章。平日牀頭但周易。看人筆落

便靈光。庠隆賦質嗟多様。良楛論材要當行。莫向黔婁問奇貨。長沙舞袖

可能長。淨居主人索詩急筆賦。淨君棟宇犀辟塵。山居不乏塵外人。

我來肯作厭客想。老語一一刊翠珉。頻年愧煩香積供。醉後狂言亦安用。

詩成每博覆瓿譏。更向叢林繫輕重。咬公咨公後進師。好事繼今誰似之。

他年落事須妙質。政自兩公勞夢思。韓守松卿索近詩。錄數紙寄以并

永大

詩道

意昔人技成歎屠龍。似我五字耽雕蟲。鐫肝指腎探懍恍。半世不辭

詩得窮。詩成頗訝神與力。疇昔夢中分五色。援毫動作萬鈞幹。應俗何曾

一錢直。豪韓有句當千年。取世所遺政自賢。數篇蜚向青眼邊。可復把玩

盤中圓。君家十頃圍翠密。近榭遠亭如盡出。時須喚我一罇同。笑對風煙
揮此筆。戲作飲食少過不佳趙師招飲淡食止酒。因成古詩。書生稟

賦紙樣薄。平日扶衰惟粥藥。一日飲濕小啣肥。河魚數日煩醫治。佳辰府
公約把酒。嚴斥厨丁預節口。借問主賓醅酢餘。還許公榮袖手無。厚味腊
毒古不予。如作病何仍古語。生世例非金石堅。支離如我更可憐。饒墮動
使諸病入。冷坐亦復百憂集。彭殤瘠肥李自齊。此理祇許蒙莊知。筋下萬
錢無足取。厨薦三韭徒自苦。法士語飲應且憎。何如卧客懷中醉。不磨婪
酣任人嗤穀伯。何如辟穀高人師。黃石陳遵張竦拊鑿夫。何為彼此未可
相是非。七十老翁誰能促戚縛。此戒辭死病殂吾命在。張栻拙軒集先公
守汝陰。嘗以詩送都曹路君桂冠東歸。載乖崖公留其錄語。今傳播世間
三十年矣。過寓居穎昌。一日有都曹公之季子字文老者。來自京師。出其
家所藏二帖。紙墨如新。因道存沒之舊。感慨于懷。乃追繼先公詩韻。以遺
文老。時方就試春官待報也。誰聞駸蔑言。執手為改容。此道久寂寥。世
態日方濃。昔翁守穎尾。軒裳心已慵。感懷督郵老。獨躡二踈蹤。脫屣太倉
粟。歸謀田舍春。浮雲悟此理。可必祿萬鐘。已矣衡門下。衰哉馬鬣封。箕裘
付諸子。介冑輕邊峯。坐看一戰霸。此言天心從。翁詩墨猶新。我涕交頤鬢。

永樂

大粟歸謀田舍春。浮雲悟此理。可必祿萬鐘。已矣衡門下。衰哉馬鬣封。箕裘

重尋筆硯盟。愧乏好語供。子非終窮者。時節會自逢。客有誦唐詩者。又

有誦江西詩者。因再用斜川九日韻。泛觀今人詩。機巧由心生。鏤冰與

鑄木。未免求虛名。豈知製作妙。渾然同水清。塵埃數張紙。亦足傳佳聲。羣

趨不知守。辛勤到莫齡。柰何口耳間。一見意已傾。投身入詩社。被褐生光

榮。黨同代異說。初非出本情。我願剖藩籬。學力隨所成。戲題 雨路露

華白。生風嵐氣清。秋心愁不展。垂月睡難成。偶得 客舍墻根草未生。

市橋官柳已欣榮。洪鈞造物元無意。只是東風有世情。偶成 竹奴角

輦頗相宜。正是書齋寂靜時。白鳥忽穿林影去。自携紈扇細題詩。又

前朝晴暖昨朝寒。細雨催花聲不閑。處處閉門掃蚕蟻。家家垂柳隱繇蠻。

東灣泛艇看人渡。北埭扶筇向晚還。惟有羣山怕陳迹。輕烟冉冉薄螺鬟。

偶書二絕 靜觀萬物各隨緣。天亦何心付自然。鸚鵡不村鸚鵡貴。豈

知鸚鵡得天年。久知鳧短鶴長語。誰賦花榮竹脆詩。物理無窮難測識。

且傾美酒樂天時。偶題 夜深水冷無香餌。若箇黃鱗肯上鉤。我欲釣

鼈安爾用一竿。風月好迴舟。題司馬才叔詩後 司馬才名世所賢。銀

鉤珠唾尚依然。塵埃試看蛛絲壁。倒指於今六十年。六言 梅長官深

有味。越人以揚梅為梅長官。木居士喜清游。未用三熏三沐。且占一壑一

永大

丘。色惟有用支子。翠亦堪餐此君。未須歌南浦雨。終是望渭北雲。馮太

師集。有作。名塵媿屢拂。世垢思一澣。急索脛已腫。虛驚背獨汗。窘步

裁免跌。高談卒成謾。辰去將柰何。磨頭髻如禪。偶成。長歌詠考槃。酒

落似休官。愛竹臨溪倚。携書坐石看。足煩猶着屨。髮禿自忘冠。顧為無多

欲。持身到處安。新稼軒集。書淵明詩後。淵明避俗未聞道。此是東坡

居士云。身似枯株心似水。此非聞道更誰聞。讀邵堯夫詩。飲酒已輸

陶靖節。作詩猶愛邵堯夫。若論老子胃中事。除却溪山一事無。再用韻

欲把身心入太虛。要須勤着淨工夫。古人有句須參取。窮到今年雖也

無。偶題。逢花眼倦開。見酒手頻推。不恨吾年老。恨他將病來。人生

憂患始於名。且喜無聞過此生。却得少年耽酒力。讀書學劍兩無成。人

言大道本強名。畢竟名從有處生。昭氏鼓瑟誰解聽。亦無虧處亦無成。

閑花浪藥不知名。又是一番春草生。病起小園無一事。扶藜看得綠陰成。

偶作。至性由來稟太和。善人何少惡人多。君看瀉水着平地。正作方

圓有幾何。又。兒曹談笑覓封侯。自喜婆婆老此丘。棋闔機關嫌狡獪。

鶴貪吞啖損風流。強留客飲渾忘倦。已辦官租百不憂。我識簞瓢真樂處。

詩書執禮易春秋。一氣同生天地人。不知何者是吾身。欲依佛老心難

永樂

大

住。却對漁樵語益真。靜處時呼酒賢聖。病來稍識藥君臣。由來不樂金朱事。且喜長同隴畝民。老去都無寵辱驚。靜中時見古今情。大凡物必有

終始。豈有人能脫死生。日月相催飛似箭。陰陽為寇慘於兵。此身果欲參

天地。且讀中庸盡至誠。**姚成一雪坡集** 杜甫吟詩 平生忠義心。一飯

不少忘。臣甫寧餓死。願君堯舜唐。題梅谷詩藁 不與春風落世間。萬

山明月雪漫漫。谷中更有人如玉。招隱不來清夢寒。**魏鶴山大全集** 建

士施靈 自蔓以詩相迓 三峽雲連白帝城。風波九死得餘生。虎頭狼

尾亂流濟。猫面馬肝綠壁行。中衍何妨需在險。心亨但見坎常平。况逢詩

友慙慙問。寧復窮途哭步兵。口占 秋風已颯梧猶碧。宿雨纔收稗亦

花。天着工夫供醉眼。東鄰有酒不堪賒。偶成 有口即飲酒。有眼只看

書。看書知古今。治亂能愁予。不如一味飲。醉眼昏蘧蘧。沂水春風弄夕

暉。舞雩意得詠而歸。為何與點狂曾哲。箇裏須參最上機。**劉漫塘集** 讀韓

詩和其韻。詩有二句云。力去陳言誇末俗。可憐無補費精神。韓子文同孟

氏醇。陳言去盡只天真。君詩費却彫鐫力。筆下應誇自有神。和王克家

所寄草堂詩二首。絃歌流化記琴堂。雅魯難言愧互鄉。正對薇花揮翰墨。

猶能春草夢池塘。身在金華與玉堂。寄聲時到祝鷄鄉。為言舊訪盧處

永大

猶能春草夢池塘。身在金華與玉堂。寄聲時到祝鷄鄉。為言舊訪盧處

士柳壓平堤水滿塘。偶成。日下浮舟去。雲邊曳杖行。物華隨節換。人

意與秋清。小圃蔬逾潤。荒叢菊向榮。幽尋元自好。底用絆浮名。地曠晚逾

靜。山空月倍明。銀河橫灝氣。石澗伴吟聲。颼颼迎風葉。飛飛濕露螢。歲華

行晚矣。為爾一凝情。木落山呈骨。泉空水反源。知時秋燕去。負日午風

喧。玉粒炊晨甑。金英卧晚園。歲華今已暮。身世兩忘言。樂歲饒嘉澤。荒

山徧有秋。斷雲猶過雨。平陸自交流。香飯炊紅軟。嘉蔬薦綠柔。蠅營竟何

事。老我即菟裘。曹彥約昌谷集水北民家窻間有題夜深短檠燈功名平

生心者。戲成平側詩二首。詩書窮年燈。功名平生心。辛勤驚遷喬。哀鳴

猿後林。蘭膏誰為容。朱絃無知音。安能如蜉蝣。隨時安其陰。竹外兩縣

境。水北一草舍。鄙屋日見斗。韞匱玉待價。禍福自倚伏。得失忽晝夜。子盍

去墨守。我亦入遠社。知縣次韻來復寄二詩。亭亭青琅玕。冰霜崔嵬

心。雖無桃梅姿。知非柴荆林。涼風西南來。清圓彈空音。其誰齊彭殤。相從

山之陰。得志鳥擇木。失喜鵬入舍。但協孔氏性。忍索少室價。小草有遠

志。積李欲縞衣。所覲匠伯顧。不復棄櫟社。知縣再次韻。不作平側體。復

次韻二首。步出山前坂。遥望徒驚心。下無百尺流。上無千歲林。至人有

遺言。三歎金玉音。莫飲盜泉水。莫息惡木陰。和氏得荆璞。眩走數百舍。

永樂大典

謂足奉至尊。過眼不售價。有時置篋笥。光彩忽驚夜。持歸弄兒女。足以照里社。伯量同二弟。欲見訪湖莊。以詩告。至褒拂過情。輒次其韻。清江

一曲分間。關倚作琴書。上下灘。琴曲清江引。有上灘下灘聲。鵲報主人

知有喜。惠然金玉。總稱難。笑殺商山綺與園。幾年煩使護風寒。只今勲業

纔如此。孤負哀顏鏡裏看。年來奪錦馬羣空。而况君家有八龍。傳與鄉

人經濟策。問馬何惜少春容。子敬作詩已久。不以見示。忽出一卷。其中

有四十字。乃相陪避暑三峽橋之作。戲次其韻。乃有詩如此。清新思湧

泉。黃緣塵外景。發露性中天。舊事驚陳迹。新功喜盛年。常流歌枕處。醒得

困時眠。章泉言語妙。天下知僕無詩能。且未識面。乃時以佳篇見餉。何

也。不敢再戲。盛意勉次韻二篇以謝。珍重章泉辱寄書。應疑不復夢康

廬。本無學術安時論。誤入班行拱帝居。老矣應招寧為祿。時乎歸釣亦非

漁。宦情山色常如此。欲去遵行媿二疏。吟罷新詩卻看書。先生必自愛

吾廬。天開上壽供椽筆。地出佳泉相廣居。自古莘耕懷道義。只今舜德起

陶漁。直須大老歸來好。莫道高情與世疏。况子松榭來歸舟。過淮右。繡

衣左國錄。贈行以詩。因及衰朽。輒韻奉訓三首。况也來從班馬傍。泛舟

千里尚釀香。庭雖過鯉元無立。桴偶乘由得問強。親見治民如治眼。歸談

永大

擒賊定擒王。讎思父子寒如此。孤負珠璣富墨莊。金石爲心錦作腸。案前合侍玉皇香。只因淮蔡須裴度。不爲并州戲葛強。繡斧邇來新遣使。羶裘從此盡輸王。功成遠勒燕然石。闕却江西左氏莊。憶作相逢疑豫章。笑談親接齒牙香。如今但有心期在。不似當初脚力強。投老頗能安晚境。祝釐聊以報明王。簡編未了平生債。吟淡猶能讀老莊。史君見示鹿鳴詩。走筆奉和。眼明及見決科文。發策當書第一勳。八句催行歌白雪。一言合意定青雲。君今去亦朝天上。主聖還須對夜分。遙想朱華傳勅處。九重春色醉朝暉。四明趙添監連日惠詩不能盡。繼匠手。次唐律韻以謝。馬口爲街不自寧。轍環唯筆可深耕。門迎滄海襟期闊。地逼天潢句法清。吾道本無青白眼。世情休歎短長檠。珠璣肯袖來昌谷。不道陳人畏後生。陳倅寄惠四詩。用昌黎和裴相韻。愧不能當也。走筆賦二章以謝。兩歲驅馳馬首東。曾微一戰可論功。因人偶爾成擒蔡。無計降之媿伐崇。萬竈炊煙歸塞下。十分農事到湟中。酸寒伎倆纔如此。孤負新詩託至公。近來人物眇江東。况也書生責勇功。痛定却思三策謬。歸來猶想萬山崇。誰從苟伯官寮裏。賦入昌黎句法中。戎事尚多心事少。苦無佳語可酬公。偶成。春入園林種種奇。化工施巧太精微。山禽說我胷中事。煙柳

永樂

大

藏他物外機。既遣杏桃呈似了。又令蜂蝶近前飛。如何有眼無人見。只解
 四郊看落暉。脚踏和風步步春。石魚樓上等閑人。興來衝口都成句。眼
 去遊山不動塵。李白誰知他意思。桃紅漏洩我精神。忽逢借問難酬對。只
 恐流鶯說得真。桃紅柳綠簇春華。燕語鶯啼盡日佳。誰信聲聲沂水詠。
 又知處處杏壇家。可惜有生都袞袞。如何終日只紛紛。滿前妙景無人
 識。到處清音獨我聞。我吟詩處鶯啼處。我起行時蝶舞時。踏著此機何
 所以。陶然如醉又如癡。偶作此道元來即是心。人人拋却去求深。不
 知求却翻成外。若是吾心底用尋。誰省吾心即是仁。荷他先哲為人深。
 分明說了猶疑在。更問如何是本心。若問如何是此心。能思能索又能
 尋。汝心底用他人說。只是尋常用底心。此心用處沒蹤由。擬待思量是
 討愁。但只事親兼事長。只如此去莫回頭。可笑禪流錯用心。或思或罷
 兩追尋。窮年費煞精神後。陷入泥塗轉轉深。心裏虛明着太空。乾坤日
 月總包籠。從來箇片閑田地。難定西南與北東。莫將愛敬復彫鐫。一片
 真純得自全。待得將心去鈎索。旋栽荆棘向芝田。忽認胃中一團氣。一
 團氣裏空無地。既空無地更何義。此無廣狹無一二。惡習起時能自訟。
 誰知此是天然勇。多少禪流妄詆訶。不知此勇不元動。回心三月不違

永
大

永
大
 卷之六
 一百九十六

仁已後元曾小失真。一片雲花輕着水。冥冥不復省滴醇。有心切勿去

鉤玄。鉤得玄來在外邊。何似罷休依本分。孝慈忠信乃天然。此天然處

不亦妙。費盡思量却不到。有時父召急趨前。不覺不知造淵奧。此時合勒

承認狀。從古癡頑何不曉。曩疑先賢嗇於言。何不明明細細傳。今醒從

前都錯認。更加詳後即紛然。夫子文章不用爲。從心口到沒參差。咄哉

韓子休汗我。却道詩葩與易奇。雪月風花總不知。雕竒鏤巧學支離。四

時多少閑光景。無箇閑人領畧伊。勿學唐人李杜癡。作詩須作古人詩。

世傳李杜文章伯。問着關雎恐不知。詩癡正自不煩攻。只爲英才輒墮

中。今日已成風俗後。後生箇箇入樊籠。儒風一變至於道。此是堯夫未

識儒。除却儒風如更有。將驢騎了復騎驢。道心非動靜。學者何難易。癡

雲欲掃除。迅霆無擬議。無妄而微疾。勿藥斯有喜。一輪秋月明。云爲豈思

慮。太極奚河圖。河圖非太極。矧復贅無極。哀哉何太息。何不觀古聖。一

一已默識。缺湖爲作圖。交擾而曲屈。是孰知五行。五行皆妙質。不可離合

論。渾渾體自一。安得孔子生。邪說俱蕩滌。哀哉復哀哉。太息復太息。當

敬不敬謂之悖。當正不正謂之諛。是中適莫俱難着。意態微生已覺疏。劉

永樂大典

後村集 古意二十韻 自從混沌死。萬象困穿鑿。溥風誰挽還。古意日

滴薄。余幼瞻輪囷。泛濫通流略。短篇堪製鯨。片文可驅鱗。吾嘗觀竅妙。渠敢譏雜駁。北未涉崧岱。南僅覽衡霍。菊破評三雋。崔公以陳抑齋方字卷

及余為之三雋。竹隱表一鶚。余受傳公十科目代及賢能才識之為。雖為

世流傳。未經聖刪削。歲晚歷九州。導從惟一鶴。飄然乘剛風。騰而上廖廓。

金色大千界。水渦幾萬落。荒哉漢陵闕。叢爾遼城郭。遂窺子宗廟。盡見佛

樓閣。叫開閭闔雲。耳聞鈞天樂。吾持此安歸。喜極還驚愕。恍疑緣崖墜。又

恐行路錯。詩魔暫辭去。來如隔日瘡。易展隨天翼。難踏實地脚。萬病皆有

方。惟狂不可藥。拙吟示兒曹。聊記武公謹。古意 吾夫子喜稱遺逸。太

史公魯傳滑稽。堯帝杯曾遜巢許。郡云。唐虞揖遜三杯酒。武王粟不飽夷

齊。拾來穗即萬鍾祿。採下薇堪百甕齏。不是狂言大無當。聞之齧缺與王

倪。無題 死以子托友。病將身付醫。友今多市道。醫或似屠兒。怒漢

唾師德。酒徒拳伯倫。吾評此二士。顏子後無人。季世讎相復。先賢量有

餘。潞還子方謫。坡答致平書。主聖如天忍棄遺。臣愚何地着孤危。白虹

貫日始虛語。中野履霜無怨辭。寶玦已隨屍。血浸鐵鞭未必鬼。腎知莫年

一寸丹心在。却怪湘纍有許悲。江北塵高戰鼓酣。惜無赤壁順風帆。城

池險固為樓百。郡邑蕭條有戶三。明主依然勞聖慮。諸君豈得尚清談。烏

大永

乎頗救不復作。誰與兒郎共苦甘。夕烽一夕徹甘泉。鑄印分弓玉座前。
天狗如雷防急變。佛狸死卯意譎傳。漢家豈可無三策。胡運何曾有百年。
漸覺風寒逼堂奧。寄聲諸老急籌邊。一揮萬字思如泉。曾映金蓮讀奏
篇。藜杖方燃芸閣上。葉舟忽傍釣臺邊。詩成渭北空相憶。謀寢淮南恐未
然。君去吾當從此逝。未知握手定何年。鯨海外多仙境界。蟻窠中有小
乾坤。不愁北谷愚公老。自覺南柯太守尊。郭郎線斷事都休。缺了衣冠
返沐猴。棚上偃師何處去。誤他棚下幾人愁。棚空衆散足淒涼。昨日人
趨似堵墻。兒女不知時事變。相呼入市看新場。游公念舊纔三月。鄭傳
憐才恰半年。老去獨當千箭鏃。向來不踏兩船舷。頂垂翅短立攤裊。孤
唳誰聽祇自悲。寧瘞焦山山下土。不將身托上林枝。放言 舟劑乾鈿
永。紅塵掃粃糠。只消一隻鶴。安用萬頭羊。戀闕子牟遠。還鄉賀鑑狂。老
人忘節序。有菊即重陽。鏡悲鸞獨舞。射感雉雙飛。早認色空是。晚知婚
宦非。萬里先行脚。三家晚閉關。曾求詩入海。又作史藏山。有酒聊排悶。
無書可訂頑。君看鸞鍛羽。似若早知還。雜記五言九首 洞達開堂奧。
荒唐說剎塵。儒醇明告子。釋點熱瞞人。不必栝棧性。安能桎梏身。誰知千
載下。有箇葛天民。青牛先已去。白鶴久方歸。若欲分優劣。老儂賢令威。

永

雜

大

東行值伯倫。西去逢無功。不知何國土。疑是醉鄉中。履霜行于野。絕

粮厄於陳。伯奇父逐子。仲尼天戮民。遂日忍渴走。唱月使倒行。夸父骨

已朽。秦皇冢亦平。先傳傳後學。自覺覺天民。魯儒述甚者。何以抹迷人。

荒哉穆天子。轍迹徧九垓。已為偃師弄。更引化人來。愚慙皆根性。巫

豎各有傳。參禪纔一宿。學幻費三年。題披公贈鄭介夫詩。玉座見圖

歎。纍纍菜色民。如何崔白輩。只寫蔡奴真。向來與相國。投分自鍾山。不

入翹材館。甘為老抱關。下吏語充硬。投荒身轉輕。不然玉局老。肯喚作

先生。雜詩。幅裂常包割地羞。掃平忽雪載天讎。穹廬已蹀元顏血。露

布新函守緒頭。聞說關河唾掌收。擬為跛子看花遊。可憐逸少興公輩。

說者中原得許愁。由北圖南有混并。自南收北費經營。從今東起書生

論。敢飯看人致太平。不及生前見虜亡。放翁易篲憤堂堂。遙知小陸羞

時薦。定告王師入洛陽。放翁絕筆詩云。王師北定中原日。家祭無忘告乃

翁少年意氣慕橫行。不覺蹉跎過一生。便脫深衣籠窄袖。去叅留守看東

京。京筆洛山川幾過兵。漢家初遣使修陵。可無神物呵豺虎。直讓香煙到

栢城。萋尤桀黠於堅者。勒固姦雄柰虎何。刺製赭袍添曲蓋。中原假帝

不勝多。鞠躬解作華人語。辨髮來持虜帳書。祇合索絢牽畜狗。不煩伐

永大

鼓亭鷓鴣。倭僞將軍約早回。楚村相國更頻催。江東將相真如虎。去執胡雛莫過來。全衆回軍未可非。反旗鳴鼓亦兵機。不知三帥揚鞭際。誰

爲君王殿後歸。勢窮斯變變斯通。局面初更便不同。西北怕他小老子。東南有箇太平翁。紹興間宮中呼秦太師爲太平翁。一番旗鼓建行

臺。勇者投軀富鞏財。邊將不消橫草戰。國王祇要撒花回。不妨割肉餵豺狼。和約依然墮渺茫。未必與吾盟夾谷。且須防彼劫平涼。蠲除一倍臺

符下。權借三分督檄傳。賴已奪麾耕壟上。不然伏鎖徇軍前。說向丁男與小姑。各勤耕織了軍需。莫教塞北同文軌。却爲江南減賦輸。胡來如

鬼去如風。哨騎何曾待棗紅。峴首一春無使至。興元六月在圍中。擁旄佩印各榮華。已貴無官可復加。若不掃門丞相府。必曾養馬侍中家。蘇

衛滅胡同拜爵。裴韓平蔡亦聯鑣。祇今光範門前客。太半河陽幕下寮。元子置人防壁後。穰侯搜客到車中。鴝杯定不疑半傳。匕首何曾害魏公。

永樂

寒口占。侯世世襲蟬冠。庾氏人人築將壇。但見門中俱責盛。誰怜階下最孤

春山揔是愁。時有吟哦搔鬢髮。別無主掌繫氷街。寧歸南畝稱三老。怕守東華趁六參。跌蕩已將經束閣。跣趺聊與佛同龕。向來塵柄高懸起。舊

事何人可共談。絕句。定本蘭亭傳屢久。党公薑字發蒙初。兒童若問

何人寫。向道樗翁八十餘。愁腸一飲輒無筭。病眼四時常有花。舊日讀

書垂釣處。重尋如到别人家。潘郎鬢豈春能綠。東野肩非雪亦寒。世上

那無仙可學。人間惟有老難瞞。雜韻七言。元老墟墓中得貶諸賢煙

瘴裏招魂。無盡自誇佛口眼。子厚先拚鬼骨臂。黨碑。雪蕭大傳幾罹

禍。訟石中書又納忠。豈可朝無宗室老。不知家有國師公。劉向傳。回仙

輕舉乘黃鶴。太白大醉騎鯨魚。絕湖飛過人不識。入海問信今何如。寧

草兩都鄉雲賦。不作六朝徐庾詩。賸馥沾李翱。張籍。殘錦分江淹。丘遲。

文公左日晚。羞明猶抱遺經細。考評。今汝畏書如畏虎。天公折罰使偏盲。

聰明不及前時久。惟鼻猶能嗅臭香。老去無端都塞了。不分鮑肆與蘭

房。造物將如此。老何懸車以後藁尤多。晉劉伶醉戲為頌。楚接輿狂偶

作歌。周旋王庾二公際。傳授并汾諸子間。歲晚更無人共語。牛欄西畔

荷鋤還。老憐幾箇小孫兒。不減添丁與阿宜。漸有墨鴉掃牕興。絕勝竹

馬走廊嬉。讀書十行目俱下。上樹百迴心尚孩。君看大年與文叔。當日

皆從童子來。教茂才論詩。詩道不勝玄。難於問性天。莫求鄰媪誦。姑

付後儒箋。至質翻如俚。尤癯始似僊。吾非肝肺異。老得子同然。讀竹溪

永大

詩一首。不敢匆匆看。晴牕幾絕編。叅他少休髓。饒得弈秋先。有願低頭拜。師曾枕膝傳。已將牌印子。牒過竹溪邊。次韻王元度二詩
表件之子

留落而今兩鬢秋。暮年出處愧前脩。敢云余補韓公處。極喜君來謝客州。竒甚寶鐔騰紫氣。清於玉瓚薦黃流。後生不作先賢遠。便合相推出一頭。

向來綺語禍機深。幾効靈均欲自沉。周廟人曾銘在背。管城子已禿無心。今惟伯樂能訓價。後有鐘期必賞音。老矣尚須君警策。昔人一字答千金。

宮教惠詩次韻。忘機鷗鳥日相親。鼻祖曾言畏四鄰。幸有山林容此老。不將籬落寄他人。誰能交結今韓呂。猶記周旋昔鄭陳。晞髮中庭躄足卧。絕勝雅拜望車塵。

又用前韻。既生未老各情親。誰道先生不覲鄰。莫管彈丸驚鴨者。豈無翡翠網與魚人。何曾膝上推文度。亦許車中載小陳。陳太丘訪荀淑長文尚小載若車中賜第京師即山鑄。得如跳出軟紅塵。

即今身在水雲間。不著斯人玉荀班。子美步歸猶戀闕。浩然肩聳徑

人情薄似平原酒。世路危於灩澦灘。華棟把茅皆幻假。祝君黃髮映

大永

朱顏

讀太白詩一首。翰林萬里出峨眉。曾受開元帝異知。只道高奢

能毀鬲。無端環子亦嗔癡。空傳飛燕當時句。難覓騎鯨以後詩。的是長庚星現世。執糠伯友與王師。李華為白墓誌云。下為伯友。上為王師。覽西

齋弟手抄諸家詩一首。小牕幾載共吟披。重見殘編拊事悲。早日才高

鸚鵡賦。暮年淚盡鸚鵡領詩。神交夢尚通康樂。手擇書堪付阿宜。若是孔懷

因未斷。安知來世不吹簫。偶賦。自己深藏畏俗知。客來鄰曲善為辭。

偶彈冠起成何事。徑拂衣歸自一奇。村飲婦常留燭待。山行童亦挾書隨。

明時性學充通顯。却悔從初業小詩。自題長短句詩後。春端帖子讓

渠儂。別有詩餘繼變風。壓盡晚唐人以下。託諸小石調之中。蜀公喜柳歌

人廟。洛叟譏秦蝶上穹。可惜今無同好者。樽前憶殺老花翁。唐詩瀛

州學士風流遠。中葉君慙貞觀唐。靈武拾遺晚羈旅。開元供奉老佯狂。戲

茗翡翠非倫擬。撼樹虬蟄不揣量。賴有元和韓十八。騎麟被髮共翱翔。

題林文之詩卷二首。叔李詞人雅雅哇。喜君詩卷美無瑕。朋儕卻走避

三舍。句律斬新成一家。肯學小兒烹虱脛。要看大手拔鯨牙。村翁豈敢持

衡尺。直為癡年兩倍加。君豪自盍相推巽。吾老猶堪共切磋。有許奇奇

并怪怪。直將少少勝多多。風人所作葩而正。治世之音樂以和。他日薰絃

要賡載。勿為處士五噫歌。黃源嶺客舍題黃瀛父近詩。不但行吟又

卧披。掩編因有感於斯。競為蛙蚓號鳴態。烏覩龍鸞天矯姿。損挹嫌人稱

大好。琢磨容我指微疵。自慙學識非康鼎。安敢陪君共說詩。題黃景文詩

永大

晤叟懶親燈久矣。得君贄卷闔還開。專心致意刻成鵠。有膽通身占斷
梅中的。益云非爾力。鑽堅顏歎竭吾才。舊時奇字今忘却。不是無人載酒
來。蚤穿草屨行求友。晚閉柴荆病絕交。古德皆曾經捧喝。今人不肯事
推敲。吟千萬首等蛩響。續三百篇無鳳膠。霍地鬢毛如雪色。少年歲月莫
輕拋。六言二首荅林天驥長短句。天孫機上刀尺。雪兒口裏宮商。愧
我元非郢客。恨君不識秦郎。書紳曾累逐客。墜釵能謗醉翁。寧作經學
博士。勿為曲子相公。六言三首。表賀赤烏白兔。韋布披襟巨題。定價
堪提鰲嶺。逢辰不讓龍溪。錦機組織尤巧。紙田收獲甚微。即今束閣藏
起。多時掃閣載歸。南塘登極數衰。平園冊后尾聯。已矣諸老絕筆。勉哉
吾子着鞭。三先生文集讀李翰林詩。杜陵樽酒罕相逢。舉世誰堪入此
公。莫恠篇篇吟婦女。別無人物與形容。雲庵覓詩。百級危階上翠蠻。
四邊山色自低環。海鄉無限蕭條景。收到樓前是美觀。鬱孤臺上唱和。
詩成示成李諸子輩。落日寒江斲句詩。千吹萬斲竟何爲。不知老去還
成癖。到了封題更一吹。書生誨所寄詩後。搥膝支頤體漸康。入門已
作白家香。從今休傍官人俗。但向林泉呼二郎。謝王爾瞻爾中惠詩。
兄弟初年事網山。髭鬚未出正童顏。我方盛壯今羸老。多謝新詩叙舊懽。

大永

誦少陵詩集 麻鞋奔走杜陵翁。卧盡風帆雨驛中。天也不愁窮餓殺。

年年催促要詩工。謝余子京驥惠詩。晝同學曆夜觀星。壯日情親忽

老成。莫恨異鄉相見少。一來人物一番更。遠來無物示拳拳。到老生涯

尚闕然。坐久但貪情話好。又勤鷄黍費囊錢。謝丘子中惠詩。高叟生

來五十年。方知弄筆學詩篇。此郎甲子才奇一。吟詠者看到適邊。聽吳

畢聞講杜詩。今夕行。因劾釋子偈體成一絕。春秋皆貶事無褒。莊子思

之意若何。下筆便為齊物論。大家命酒且高歌。同行歸急困倦不能詩。

行李放遲遲。周遭好拾詩。歸程催我急。脚力與神疲。來往成虛費。科名

未有期。流傳堪膾炙。造物不相虧。陳叔盟兩惠詩。以一首謝。休要逢

人誦六經。紅泉往事已彫零。向來未壞共王壁。到處閑搔普化鈴。幾歲寒

牕頭也白。兩篇新什眼空青。還鄉旧識多農賈。那得柴門自掩扃。子畏

惠詩用韻酬之。老慵祇合在雞羣。變化那能慕海鷗。壯歲親朋多死別。

窮途造化與生存。欲尋衣食愁無路。却被妻孥怨少恩。健筆期君今落第。

相調未得剥空論。謝余薦鶚聽易惠詩一首。向得追隨父祖間。此來

重結子孫懽。自嗟三世湏臾見。不有餘生會遇難。詩社已收風月美。舉場

抵用糶糠殘。百錢聊買時文看。容易如君直換官。次韻林君則惠詩。

大永

誦少陵詩集 麻鞋奔走杜陵翁。卧盡風帆雨驛中。天也不愁窮餓殺。

年年催促要詩工。謝余子京驥惠詩。晝同學曆夜觀星。壯日情親忽

老成。莫恨異鄉相見少。一來人物一番更。遠來無物示拳拳。到老生涯

尚闕然。坐久但貪情話好。又勤鷄黍費囊錢。謝丘子中惠詩。高叟生

來五十年。方知弄筆學詩篇。此郎甲子才奇一。吟詠者看到適邊。聽吳

畢聞講杜詩。今夕行。因劾釋子偈體成一絕。春秋皆貶事無褒。莊子思

之意若何。下筆便為齊物論。大家命酒且高歌。同行歸急困倦不能詩。

行李放遲遲。周遭好拾詩。歸程催我急。脚力與神疲。來往成虛費。科名

未有期。流傳堪膾炙。造物不相虧。陳叔盟兩惠詩。以一首謝。休要逢

人誦六經。紅泉往事已彫零。向來未壞共王壁。到處閑搔普化鈴。幾歲寒

牕頭也白。兩篇新什眼空青。還鄉旧識多農賈。那得柴門自掩扃。子畏

惠詩用韻酬之。老慵祇合在雞羣。變化那能慕海鷗。壯歲親朋多死別。

窮途造化與生存。欲尋衣食愁無路。却被妻孥怨少恩。健筆期君今落第。

相調未得剥空論。謝余薦鶚聽易惠詩一首。向得追隨父祖間。此來

重結子孫懽。自嗟三世湏臾見。不有餘生會遇難。詩社已收風月美。舉場

抵用糶糠殘。百錢聊買時文看。容易如君直換官。次韻林君則惠詩。

永大

湖水當門四面山。旁羅書史坐中間。他人共我何曾有。造物於君本不慳。况是早教緣累少。便知晚與歲時閑。餘糧換得鮮魚煮。大勝箠瓢陋巷顏。

方秋崖集

讀白詩

我貧良亦藉。未老生白鬚。策名奉常第。年已三十

餘。半生苦無幾。寧不欲疾驅。山麋野而僻。所至皆崎嶇。一登督是府。兩駕太守車。意見有不合。索去不待炊。所以二十載。同一優侏儒。豈如雲水身。

自適瓜芋區。夕吾酒一瓢。朝吾飯一盃。貧賤與富貴。本自無差殊。寄語劉伯龍。毋煩鬼揶揄。人生有窮達。不係才不才。造物所付與。聖賢不能回。

君看孔孟氏。遇世何如哉。豈其有不如。王驩與桓魋。以茲自忖度。所遭已踰涯。前瞻固不反。後顧又可咍。同時第進士。或未離蒿萊。歸來亦云幸。蕭散目不杯。山池芰荷過。野岸芙蓉開。幅中一筇竹。適可眠秋厓。左耳聽

北鄰。哀哀哭其夫。家破肉未寒。欲與死者俱。右耳聽嫠婦。呱呱哭其雛。夫

亡僅一女。不自禁毒痛。攬衣夜向晨。饒鼓何喧呼。誰何過喪車。送骨荒山

隅。中年自多感。人世何所娛。聞見又如此。生歎歲月徂。明朝計安出。痛飲

大真良圖

以嗜酒愛風竹。卜居此林泉為韻。作十小詩。居十鄉者三。至

九卿者四。不博牛背眠。醜酸信殊嗜。玉虹橫吾腰。金貂直吾首。寧知千載名。不如一杯酒。事有俄頃間。遺臭及百代。吾觀於斯人。不過一字愛。

東坡真天人。落筆蓬萊宮。何如赤壁笛。一鶴橫秋風。周有說愛蓮。陶有詩愛菊。吾居則誰與。其諸子猷竹。朝吾一苓簞。夕吾一轂簾。詩腸其

殷雷。此事底須卜。秋雲七尺藤。夜雨一卷書。寂寞空山人。微此誰與居。

吾心如鐵石。命則薄於紙。藉口見古人。則亦賴有此。彭殤同此軀。顏

跖同此心。哀哉宇宙間。羣生政林林。吾猶金在冶。惟冶者所甄。謹毋出

光怪。夜半號龍泉。三絕句。掀蓬仰看玉。崢嶸借得漁船。一日晴。九曲

水窮山雨急。老仙於我得無情。鶴怨空山久。勒文買舟重訪武夷君。一

聲鐵笛不知處。但覺滿身生白雲。莫問神仙定有無。地靈端不着凡夫。

我來寫履渾輕健。飛上前山不用扶。尋詩蹇驢踏雪灞橋春。畫出茆

茨野水濱。纔見梅花詩便好。梅花前世定詩人。胡得唯索寫近詩。生

涯未辦闊踈酒。書冊相携檢點梅。過眼事真如墮甌。向人口合且銜枚。昨

窺古鏡十分瘦。病起情牕一硯埃。舉世好字吾鼓瑟。故人猶索寫詩來。

次韻張錄携詩見過。家在屏山東復東。高軒肯過白雲中。石橋自是神

仙處。竹屋相傳句律工。日暮春江愁李白。山寒秋菊老龜蒙。時平莫神揮

毫手。此論於予却未公。蔡定齋集。讀龔實之參政詩。耆舊頽凋喪。懷

人念里閭。哉詩三歎息。廢卷一嗟嘘。造膝言猶在。謀身計亦踈。功名今已

永大

矣。英爽竟何如。偶作老僧真是百無能。有口何嘗話葛藤。入定參禪良自苦。超凡入聖又誰曾。東西路別徒勞泣。南北宗分自取憎。箇裏無禪亦無佛。常行粥飯在家僧。歐陽守道巽齋集 索胡學聖詩 為候君詩

十日留。無詩何以別交遊。自緣白雪難於和。莫把明珠暗處投。往往施固慙

三不報。此鳴儻許兩相酬。今番但挈空囊去。湘水湘山段段愁。陳杰集

和彭教諭論詩 平生於二南。百過在芣苢。不知孰舞蹈。但覺烏可已。煌

煌古人心。豈與不傳死。天和本發中。世味或食耳。全明凋靡後。未造放蕩

始。折楊紛皇卷。敗素正堪繫。斯文吾衰久。安得力任鄙。天河儻可挽。舉俗

快一洗。不且尊杜黃。卿言尚予起。誦詩盛氣劇。騷壘長歌歷。杜藩二

南四字始。萬古一辭難。無題 大地生靈惜曠乾。紙田不飽腐儒餐。閑

將博士蓋鹽味。試上先生首宿盤。口語甘時心猶異。中邊甜味方宜。詩

情合薦東坡老。慙媿當年密荔枝。聞說江邊起柁樓。欲將吾道付滄洲。

三年惡瞰盧仝屋。一日輕裝范蠡舟。蹈海高懷欣獨往。濟川好手蹇難留。

檣陰舸下能容我。雨笠烟蓑傲白鷗。至日拜賜詩 十官萬歲講朝儀。

黃織高張簇仗齊。清曉山牕頻扣首。虬鬚隆準伴宸奎。玉堂研軸旁有

大永
二像

程簿能靜袖。詩來訪次韻。高吟鼻齋屢。經嘗羣噪紛紛子。貢墻。

